

MISEBEZI KI

TUMELO YE BONAHALISWA

 Ni itumezi. Ki hande kuba mo, busihu cwana, hape. Ha ni si ka ziba mo ba lemuhezi kuli Ne ni ka lapelela bakuli. Mutu ni mutu utile ku to lapelelwa. Mwa ziba, Ni lumela kuli haiba mulatelela zamaiso ya Moya, kipeto ku lukile. Zeo ki zende, leo kona Liñusa leli sa palelwi.

² Cwale, Ne ni inzi mwa muzuzu kacenu, kasamulaho... mukutazi yomuñwi ye ni lata hahulu (babalalu ba bona), babalalu ba balikani baka babande, ne ba ni bulelela kuli nebataha kuli lu yo ca sico sa musihali hamoho. Mi Na hupula kuli, "Kihande, yeo ki nto yende fela," mwa ziba.

³ Kacwalo Na—Na ca fela hanyinyani mukushuko kakuli Ne ni ziba kuli nebaka lifa, mwa bona, mi Ni...na ni mulalelo omunde mampule. Kacwalo 12:00 yakwana, ni 1:00 yakwana, ni 2:00 yakwana, nekusina mutu kwani. Kacwalo nekuna ni... mapokoloba bene ba matisa sisinyi, kwani mwa patelo, mi kacwalo Na yo buha kezahalo yani. Na palelwa kufumana Muzwale Jack ni hanyinyani. Kacwalo, Na yo lemuha kuli, muuna wa kwa hotela na mu file nombolo isili; mi naswelii kungongota fa sikwalo sisili, nako ye kaufela, kone Ni—Ni siyo. Ni bata kuli ani lifele, ka nako ye hape, nicwalo, linako zeñwi. Yena ni Muzwale Tracy, Ne ni tabile luli fa kuba bona ni Muzwale Brown busihu boo. Zeo libonahala fela inge lu ka kutela kwa Arizona hape.

⁴ Na hupula hane lutaha inge lufita mwa lihalupa zazi leliñwi. Na bulelela musala ka, kwa mulaho kwani, Na li, "Fa kona fainzi Muzwale Jack kwa mulaho wa Chevrolet nyana ye." Muzwale Brown ni yena akanana kaza—kaza pupo ya makalelo, kamba ne li ezizwe mwa mazazi a silezi kamba neli ezizwe ka myaha yelikana sikisi milioni. Yani neli yende luli.

⁵ Bakala ku kanana hahulu, bazwela fande ku yo nopa macwe, mi alimuñwi aya kwa mulaho wa musumo, ni yomuñwi ku omuñwi, bakala kunongana macwe katata luli mone ba konela. Neba palezwi kufezana ka swanelo, bali, "Nakona ku kusiya kwa lubilo." Inge ba shetumuka cwalo mwa nzila; Muzwale Jack, mutangana yomukuswani, katata hahulu mwa na matela; ni Muzwale Young ni mahutu amatelele ani, mwa ziba. Ne ni sika seha fateni cwalo mwa bupilo bwaka!

⁶ Mi, Muzwale Jack akutela mwa mota ni kutubula makatulo a hae. Muzwale Sharrit na lufile saka yetuna ya maolonji, mi yena a akusufaza basika yo fita kwa Shreveport.

⁷ Mwa ziba, ani ki mazazi a mande, nihalicwalo. Eeni, sha, ki mazazi a mande. Ni ziba kuli liut wahala kuba lisheha, kusehisa, kono ki niti. Kono luna . . . kuna ni sesiñwi ka zona, hamuya muhula lika zeo likala kukutela mwa munahano wa hao. Mu nahana mazazi one mu lakaza kuli nemuka pila hape, yeo ki niti, mazazi aluna a kwa bunca. Mi haluya lusupala cwalo, kaufela zona liba maswaniso. Ni tabile hahulu kuli ki amande mi akenile, ni kutwano ya sizwale, mwa lilato. Ka kuziba kuli lu ya kwa Naha ko lusike lwa yo supala, koo . . . yona Naha yende yani, mwabuse, ko lusike, ku yohula kusupala kamba neba kushwa.

⁸ Alimuñwi wa mizwale yabula babande, ya latiwa hahulu ki luna kaufela, kona asilela fela mwabuse bwa Naha. Mi nako kaufela ha Ni tahanga kwa katala kwanu, Na—Na sepa Ni ka hupulanga Muzwale Lyle. Ha ni talima maabani busihu nabona Judy yomunyinyani inge ainzi fani, mi pilu yaka neisweli fela kutulaka, Ne ni sweli kunahana mwa na utwela. Mi Na ziba kuli bondate ha ba shwa mone . . . Kono fela luna ni kuya kwa likolo zani za manyando kuli luzibe balikani mo ba ikutwela.

⁹ Ni lumela kuli Ni talimela mukutazi ya hulile mulikana ka yainzi fa. Ha ni sa muziba libizo. Kana ku cwalo, no lapelelanga bakuli kwanu, ka nako kaufela, myaha ya kwa mulaho? Gerholtzer, leo—leo ki libizo la si German, Hani koni ku li bulela ka swanelo. Muzwale Tracy, Ne ni mu katani kwani. Mi Na ziba muziba mwendi seli myaha ye lishumi, mi Na li, “Hausa supala neba ka likweli ze silezi mwahala myaya ye lishumi yeo.” Lu pila mwa lifasi lelina ni kufela zazi leliñwi.

¹⁰ Cwale, busihu boo, Ne nili . . . Ne nina ni wena mabani busihu, Ni ka lika ku sa ba ni zeo busihu. Ka kufeza likande laka . . . Ne ni sweli kunahana, busihu boo, kukutaza fa—fa tuto ya *Kuungelwa*, kwa keleke. Buino bwa lika, sina mo Ni libonela mwa Mañolo, mufuta wa buino boo Keleke ikaba kubona kwa Kuungelwa, ni se si ka ezhala bukaufi fela foo Kuungelwa kusika ezhala kale, ni mo li ka ezhalela. Mi kamukana lu lumela mwa Kuungelwa, nji cwani? Lwa lumela ku Yona. Mi he, hañi-hañi fela, Sesiñwi sa li, “Lapelela bakuli, busihu boo.” Mi kona Ni sa zo ca fela mulalelo ni muzwale wa mwanana wamu Mexican kwani, Na ya kwani mi na yo munga mwa mukwakwa. Na sepa uteni mo busihu boo, yena ni musala hae.

¹¹ Mi cwale yomuñwi ataha, anifa bupaki. Ali, “Haiba . . . Kwa libapalelo kamba kwa keleke,” ki hali, “kuna ni muuna kwani, Na lumela neli mwaha o fitile, kuli natile mwa mukoloko wa temuho.” Mi Ne ni sweli kunahana, busihu boo, ka kuba fela ni mukoloko wa litapelo wo ipitezi, sina Muzwale Jack ni Muzwale . . .

¹² Muzwale Young Brown na fanga makadi a litapelo aka. Mi Na mufumana kuba ya sepahala luli mi ne ni sika mufumana inza lekisa neba kadi iliñwi kamba kueza mafosisa, ki ya namile

hande inge nzila. Mi lu ba sweli ka kulika kueza cwalo, mwa ziba. Kacwalo—kacwalo luna . . . Muzwale Young, nali hande fa musebezi ka nako kaufela, ni kusepahala. Mi Na hupula, na yemanga ni kunga makadi, ni kuatisa mwa mukoloko. Ne ni ba lapelela mi nebaya cwalo, yona tumelo yesika zwakiwa yani yene bana ni batu bani, hane bafita bukaufi ni wena nebana ni kufoliswa. Mi Ni sepa kuli nekuna ni lifoliso ze mashumi amabeli ku yeñwi, ku selunani cwale.

¹³ Mi, likande la taha musihali ka za muuna, hakulata uteni mo cwale. Kuli naliteni mwa mukoloko wa tapelo mwaha ofelile, kokuñwi, mi—mi nana ni . . . ali, mwa temuho a bulelawa kuli nabile ni makilihani. Mi madokota ba mu bulelawa kuli, kasamulaho wa makilihani kufela, kuti nasike aba ni mbututu, mi kamita nabata hahulu mbututu. Ni sepa nana ni fela bashimani. Kono mwa pono yene zwa ku Mulena, ya mu bulelawa kuli, “Kono ukaba ni mbututu wa musizana.”

¹⁴ Mi ali una ni una ni musizana yomunyinyani mo busihu cwana. Ha ni zibi, muuna yani hakulata . . . wakona—wakona kuba mwa sicaba mo, kamba ki—ki mutu ye Ni ambola za hae? Kokuñwi? Ha ni zibi, kuna ni ya ni bulelezi fela ka zona, fande. Oh, ki yofa mbututu yainzi fani kwa mulaho, yainezi kwa mulaho kwani. Zeo ki zende. Zeo ki zende luli. Ha ki mwana kwa bunde bati. Ha ki kwahule hahulu kuli azamaya ahatake batu fa litoho, ki yomunde luli, mbututu wateni, Ne ni ka tabela kuli atahe kwanu afe bupaki. Mwendi ukaeza cwalo kamuso, kamba nako yeñwi haluna ni lisebelezo.

¹⁵ Cwale, kamuso kakusasana ki Mukushuko wa Baana Ba Pisinisi. Kana mu u zibahalize? Na sepa, ku kaufela ka . . . Kinto yende.

¹⁶ Mi cwale halubeni ni—ni tuto nyana kaza foliso ya Bumulimu. Ki ba bakai baba lumela ku yona? Oh, mawi, ikaba busihu bobunde, hamuna ni tumelo yecwalo. Sicaba se si lumela cwalo, kona ze lukela kubangateni. Ki za balumeli.

¹⁷ Cwale, he, Ni ikungezi potoloto ni kukala kuñola mañolo ni zeñwi cwalo, mi ni . . . mi cwale Billy angongota fa sikwalo ni kuli, “Tate?”

¹⁸ Se nili, “Libelela fa nako nyana fela, ha Ni si ka feza kale.”

¹⁹ Ki hali, “Kono, Muzwale Jack wa mi libelela.” Kacwalo, Ne—Ne ninina ni kutaha. Na kakatela, ne ni sina kaswaliso ka mapampili, Na i nga ilíñwi ya tu “johnny pin” twa Meda kamba pini yeñwi cwalo fa zana biza kuli “bobby pin.” Kona mone iinezi, “bobby pin,” ki pini yeñwi cwalo. Mi—mi ha Ni zibi zeñata za lika zeo, mwa ziba, mi Ne ni ka boni fela inge kainzi fani. Kacwalo, cwale fa kupanga kaswaliso ka milili fa, kuli ni kauhanye sene Nina . . . nenina ni litaba zene ñozwi kakusasana cwana; kuli kauhanya, ye ku yeñwi.

²⁰ Mi ha Ni ya ni hula . . . neibaka kuli Ne ni hupulanga Mañolo ni lika zeñwi ka bunolo luli. Kono, mwa ziba, seli tata nyana kueza cwalo. Kikuli wa fumana butata boo, Muzwale Jack, cwale? Yeo ki niti, eehe. Ne ni bulelezi Muzwale Jack, kwanu ha ki kale hahulu, Na li, “Wa ziba, Muzwale Jack,” Na li, “Ni ya Ni palelwa kuhupula.” Se nili, “Ha ni kala kubulela sika, mi Nina ni kulibeleta.”

Ki hali, “Kana—kana boo kona butelele bo mu fitile kubona?”

Mi se Nili, “Kihande, koo ha ki kwahule luli nji?”

²¹ Ki hali, “Batili.” Bali, “Ne ni lizelize mutu fa luwaile se se nili ‘U bata ñi?’” Na hupula kuli nosweli kueza lisheha nina, Muzwale Jack, Na fumana kuli yeo ki niti luli.

²² Eeni, sha. Mawi, mo libalela. Kono halubeñi ni misebezi yaluna kuezwa hande, kakuli iteni mwa buka, ki bupaki bobuna ni ku yo liziwa ka lizazi la katulo.

²³ Cwale, luswna sina lubasi lu luluñwi lolutuna. Mi ha Ni sepi kuli ba luteelza busihu boo, mwa naха kaufela, sina ha ne Ni kutaza liñusa laka maabani busihu. Ni sepa kuli fela mwendi ki puteho ya sibaka fela se kwanu. Kacalo, maabani busihu, Na itumela luli kwa likute la mina la kuyema . . . Ha ni liki . . . Ne ni si ka lika kunga sibaka sa Muzwale Jack. Kono kamita abile ani bulelelanga kuli, “Bulela so bata kubulela.” Mi kacwalo Nataha fela fa katala ni kukutaza nyana kaza tuto. Kono, kuli fela lube . . . haiba babañwi ba mizwale yahesi ya likopano.

²⁴ Ne nina ni tolo, kakusasana omuñwi. Ha ni lolangi fa ni fa, Na ha ni muloli. Kono Ne—Ne ni lolile kuli Ne ni bon muuna, mutangana fela mwa mihala mi nalika kuzwa mwateni, mi—mi se Nili . . . Yomuñwi ani bulelela, ali, “Bao ki batu ba bamaswe, usike wa eza sika ni bona.”

²⁵ Mi Na bona mutangana yoo hazwa mwa mihala yeo mi Na mu tuhela fela. Na hupula kuli, “Ni ka bona fela sa ka eza.” Konakuli ha yo zwa mwateni, neli mucaha yomunde. Mi Na bona ni babañwi babalika kuzwa mwateni.

²⁶ Cwale, ye ki tolo fela. Mi na ya neku le mi Na bona mu—mu muzwale, Roy Borders, mulikana ka yomunde luli, upila kwa California. Na bonahala inge kuli kuna ni sesi fosahalile, meto a hae naitimile nyana, mi nto yeñwi yetuna . . . mwendi inge sitombo sa kansa cwalo inge sikwahezi fa meto a hae. Mi Na . . . kuna ni yana lika ku ni hoha kuzwa ku yena. Na huwa nali, “Muzwale Borders! Ka Libizo la Mulena Jesu, zwa foo kapili!”

²⁷ Mi yena napalelwa kubulela, ali, “Muzwale Branham, kuna ni kuba nto yeñwi yetuna kufita yeo. Hani koni fela ku itiisa, Muzwale Branham. Hani koni fela kuitiisa.”

²⁸ Se nili, “O Muzwale Borders.” Na mu lata.

²⁹ Mi yomuñwi ani hohela kusili, ha Ni talima, mi neli kalibe yana yemi fa ye Ni, hane Nili fela mushimani, Ne—Ne ni lwalanga milola ni mafula mwa sintolo kuiseza sicaba. Mi libizo la hae neli Ma. Fenton, upila mwa Jeffersonville niteni, ki mulikana musala ka ni Na.

³⁰ Mi ki hali, “Muzwale Branham, lu lamulele kwa lika zee.” Ali, “Ye ki ndu ya lihele.” Mi ali, “Bapalezwi ku ku utwisisa.” Mi ali, “Baa... Mi wena—wena upalezwi ku utwisisa sicaba se ni wena.” Ali, “Ba ki batu babande, kono...” Mi Na talima fabuse fani, mi inge pakani yetuna ya malibela, kamba—kamba mamota amatuna, ainzi mwa liñope lelituna; ni lisipi zetuna luli, zekima mwendi ma inci a eiti kamba lishumi mwa butuna. Mi sicaba, se si lyangani, ni mazoho a futukile ni mahutu, inge ba nataka kwa litoho *cwalo*. Mi nasweli kulila, ali, “Lamulela sicaba, Muzwale Branham.” Ali—ali, “Lu tuse, lu mwa butata.” Musali kasibili, Na mu ziba, ki wa kwa... Ni lumela kuli ki puteho ya church of Christ, kamba Christian church, ibizwa kuli Church of the Brethren. Kacwalo kiha...

³¹ Na talima kwa ni kwa, mi Na li, “Ni lakaza kuli kambe Na kona.” Mi ni kuzwelapili cwalo, kutalima kwa ni kwa; mi Na... mubili waka, omunyinyani ni—ni byona bisipi, tuna byani; ni sicaba se si nyandile sani mwahali mwani. Mi nekusina mwa kufitela ku bona, lisipi zani neli titihani luli hamoho. Mi Na talima, mi neba itengaka kwa litoho inge batu baba takani.

³² Mi Na bona maseli asweli ku monyeha monyeha mwani. Mi Na talima mwahalimu, mi ne kuyemi Mulena Jesu ni—ni—ni maseli a namwamutalati a Mu beile mwahali. Na sweli ku ni talima handende, ali, “Lamulela sicaba seo.” Mi Azwa fateni.

³³ Mi Na hupula kuli, “Kihande, Ni ka ba lamulela cwani? Ha—Ha nina mata mwa mazoho aka a kuloba lisipi zani.”

³⁴ Kacwalo se Nili, “Ndu ya lihele, zwa mwa nzila ka Libizo la Jesu Kreste.”

³⁵ Mi seli kuteta ni kulobakeha, mi—mi macwe apikuluha, ni—ni lisipi za kumauha kuwa; mi sicaba sa mata, kuhuwa, “Lulukuluhe!” ni kuhuwa ka manzwi amatuna luli, mi kaufela bona ba lukuluha.

³⁶ Mi Ne ni sweli kuhuwa nina, “Muzwale Roy Borders, uka kana? U kai kana? Mulimu usweli ku lukulula sicaba sa Hae! U kai kana, Muzwale Borders?” Ni bile ni komoka taba yeo.

³⁷ Mwa ziba, Muzwale Borders u sabile maswe. Mwa ziba sipolofita, kaufela... buñata bwa mina mwa hupula, munge matepu ni zeñwi kaufela, ka za Likamba lakwa Wiko.

³⁸ Kuna ni baana babaliteni moo, busihu boo, bene baliteni kwani ha li ezahala, hane luyemi kwani, fa musipili wa kuzuma. Ni mukutazi yana teezeza maabani busihu, ka liito la sibofu, natile fela kwani mi ali... aitibahaza. Na tinile magilasi a

mansu, kwani mwa malundu. Ki hali, "Muzwale Branham," ali, "Kina Muzwale McHughes." Ki hali, "Ni—Ni tusize mwa mikopano ya hao hañwi, mwa California."

³⁹ Se nili, "Ni tabile ka ku kuziba, Muzwale McHughes."

⁴⁰ Kacwalo nekuna ni baana baba mashumi amabeli bene bayemi kwani. Nelusweli kuzuma lingili ka miwayo. Mi se Nili, lizazi lusika ya kale kupahama lilundu, se Ni bulelala Muzwale Banks Wood, kaufela mina mwa muziba, ki mulikani ya zibahala, Se nili, "Muzwale Wood," anopa licwe ni kuli posa mwahalimu, mi lakuta fafasi, mi se Nili, "KISONA SA BULELA MULENA, kuna ni se si libelezi kuezahala."

⁴¹ Kacwalo, ki hali, "Ki sikamañi seo, Muzwale Branham?"

⁴² Se nili, "Ha ni zibi, kono mwahala lihola ze twenty-foo uka bona. Kuna ni se si libelezi kuezahala. Mi ki sisupo sesituna."

⁴³ Mi habusa lelitatama . . . fani neli musihali nyana. Zazi la habusa, mwendi ka teni kiloko, ne lu libelela kufunduka. Mañi ni mañi nasweli ngili, mi neluyemi kwani. Mi Muzwale Mc Anally, mwa ziba, ni babañwi bani kaufela, nebasweli ku li buha, mi—mi ni Muzwale Borders ni Na; ni Muzwale Roy Roberson, muika wa sihole, mulatiwa luli, mulikana ka yomunde hakalo, mi na yemi fani. Mi Na talima mwahalimu, mi Muzwale McHughes ali, "Muzwale Branham, kana Lingeloi la Mulena kikuli la bonahalanga ku wena hauli mwa misipili ya kuzuma ye?"

⁴⁴ Se nili, "Muzwale McHughes, ehe. Yeo ki niti. Kono, Ni tahanga kwanu ku to ikatulusa nyana."

⁴⁵ Ki hali, "Ku lukile, Muzwale Branham," ali, "Ha ni batu kuku lyanganisa."

⁴⁶ Se nili, "Ha u si ka ni lyanganisa."

⁴⁷ Mi Na talima fela kwa ni kwa, mi Na bona dokota ya mu talima mwa liito. Cwale, Ne ni sa muzibi, na tinile magilasi a mansu, kakuli mwa Arizona lizazi lateni liminyehanga hahulu ka kubanya. Mi Na talima fateni, ki ha Ni bona dokota ya mu bulelala, kuli, "Muñaka, Ni bile ni belekela fa liito le ka myaha, myaha yemibeli, nto yeñwi yecwalo." Ali, "Butuku bonani mwa liito la hao, uka shwa liito. Lisweli kuca kubona kwa hao, mi hakuna mukwa o Ni kona ku li tuhelisa ka ona."

⁴⁸ Mi se Nili, "Zo ni buzelize zeo ki kabakeñisa liito la hao. Magilasi a meeto ao kikuli una ni butata bwa liito."

⁴⁹ Ki hali, "Yani ki niti."

⁵⁰ Se nili, "Dokota wa hao," (na bulela mwa na bonahalela) "u ku bulelezi, mazazi nyana afitile, kuli 'Uka shwa liito kakuli bu—bu butuku busweli kuca kubona kwa liito.' Mi abile a li alafa ka lilimo zepeli cwale, mi upalezwi kuli tuhelisa."

⁵¹ Ki hali, "Muzwale Branham, yeo ki niti."

⁵² Mi Na kala kutilima kwa ni kwa, se Ni bona mu—mu musali muhulu yahulile kumufita, ya bonanahala bunsu. Bazwa kwa libaka zeñwi za kwanu mwa Arkansas. Mi kacwalo musali a—a shuña sikoci sa hae ni ku bonisa mwana hae lihutu, mi ki hali, “Mwana ka, haiba u bona Muzwale Branham, u mubulelele kuli a lapelele lihutu laka.” Ni litombo zetuna zani inge liinzi mwahala minwana ya mahutu ni lika kaufela.

⁵³ Se nili, “Bomaho ki basali mabe sevana ni limbi, mi ne ba shuñile sikoci, ba kutisa mwatasi so—so sokisi yabona ni ku kubonisa mahutu, mi ba bulela kuli hauka ni bona uni bulelele kuli ni ba lapelele.”

⁵⁴ Mi ki hali, “Oh, sishemo.”

⁵⁵ Na talima kwa mulaho mi na mubona ali kuyema fami asina magilasi, pono, Se nili, “KISONA SA BULELA MULENA, Mulimu ufolisize liito la hao, mi ufolisize ni bomaho, cwalo.”

⁵⁶ Ka yona nako yani, Na sikuluha... Cwale, kuna ni muuna yainzi faa, na yemi kwani. Na bulelela Muzwale Roy Boders... kamba Muzwale Roy Roberson, ni beye lizoho fa liheta la hae, kakuli seli muuna muhulu, Se nili, “Muzwale Roy, ube mwatasato yeñwi, kapili luli, kuna ni se si libelela kuezahala.”

⁵⁷ Ki hali, “U talusa sikamañi, Muzwale Branham?”

⁵⁸ Se nili, “Usike wa bulela! Kena ku sesiñwi, kapili!” Mi Na fetuha ni kunopa focolo, kwani bukaufi ni sibaka sani, mi nazwa fami na ba siya kakuli Ne ni ziba kuli ne sitaha fone Ni yemi.

⁵⁹ Bukaufi ni libala lelituna, fa butelele kulikana mwendi linako ze eiti kamba lishumi kufita muyaho woo, ki “pongisi” ya libala; inge mulilo otuluka kwa Lihalimu, inge kakundukundu, liñokolwa nyana fela fahalimu fo ne Ni yemi. Mi ka sehulula macwe a lilundu, ka yo pumaka likota za mishakashela ni mikakani fahalimu, ka mitambo yelikana mwanda cwalo. Kaufela bona bamata, kulika kuipata mwa mikokolombwa ni libaka kaufela. Ka pahama hape ni ku kambela ka mulumo omutuna inge mushika wa pula. Kukutela mwahalimu hape, ni kutahafafasi hape. Ka eza cwalo halalu. Mi sisa ha si yo apuha, ba shokomoka ni kutobuza kuli, “Si talusa sikamañi?”

⁶⁰ Se nili, “Ha ni lati ku mi bulelela; neli sisupo sa katulo. Mwa mazazi a likani, zikinyeho yetuna ya lifasi ika ezahala kwa Wiko. Mi haina kutuhela. California, Los Angeles ika tiba. I kaya mwatasi. I ka kenelela fela mwa liwate.” Mi mazazi amabeli kuzwa fani, zikinyeho yamwa Alaska ya nyunga Alaska.

⁶¹ Mi he, mukopano wa mafelelezo one Ni bile ni ona mwa California, inge luambola, mi ne si sa zibi kuli sesiñwi ne si ezahalile kufitela Ni yo fita mwa mukwakwa, Ne si bulelezi California, kuli—kuli, “Kapernauma, Kapernauma, muleneñi o bizwa ka libizo la mangeloi,” (yeo ki Los Angeles) “u i pahamisize mwa lihalimu, kono uka tiswa mwatasasa lihele.

Kakuli kambe misebezi yemituna neiezizwe mwa Sodoma ezizwe ku wena, munzi wani no ka yema ni lizazi le.”

⁶² Cwale, mazazi alikani afitile, kubile kupikuluha kwa macwe ni kupancaka. Mi, kwa taha mutende wa sayansi, wali, “Kaufela zona ki linosi fela, lina ni kutiba mwatasi.” Ba ziba cwalo.

⁶³ Mi mutualime, mezi aka taha ku kutela mwa Liwate la Salton. Los Angeles i icongile ki katulo fela. Na mi bulelala li si ka ezahala kale, kuli mukone kuziba ha li ka ezahala. Ha ni si ka bulela zeo ka na feela. Mi Nali kuba ni Mu utwe ha ni bulelala sika kwanda se si ezahalile. Mi mwakona kupaka zeo. Yeo ki niti. Kilili? Ha ni zibi.

⁶⁴ Na zwela kwani, mi ba ni bulelala sene Ni bulezzi. Mi Na teezeza, na kuta kuyobata mwa Mañolo. Mwa ziba, Jesu naize, mane kuswana ni ona manzwi ao, kuamana Kapernauma; ni Sodoma ni Gomora neli—neli mwatasa Liwate Lelishwile, Na sepa ka nako yani. Mi kasamulaho, mwendi ka myaha ye mwanda cwalo, Kapernauma yatiba kukena mwa liwate, mi i mwatasa liwate. Yena Mulimu yaswana yana beile Sodoma mwa liwate bakeñisa libi za yona, ki Mulimu yaswana yana beile Kapernauma mwatasa liwate ka libi za yona, ki Mulimu yaswana yaka beya Los Angeles mwatasa liwate ka libi za yona, ona muleneñi wa—wa bumaswe wani.

⁶⁵ Muzwale Roy Borders wa saba maswe maswe. Ha ni zibi kamba ni...zeo litalusa sikamañi, kuli, kamba sikamañi, Ha ni zibi.

Halu lapeleni.

⁶⁶ Mulena, ki hande kupaka kwa bateelezi babande. Lwa lumela, Mulena, aku tuse ku salumela kwa luna. Mi lu lemuha kuli luya kwa mafelelezo a nzila cwale kuliba mafelelezo a lifasi. Kana ki nako mañi yeo, ha lu zibi. Kono kungelwa kwa kunutu kwani kwa Munyaliwa; leliñwi la mazazi a, Mulena, luka—luka be lungilwe, kungelwa hamoho ni Yena. Mi lu libelezi ona lizazi lani. Lukisa lipilu zaluna, Mulena.

⁶⁷ Kuna ni babañata, ha lu talima, ba balobezi mo fa tumbeta, baana ni basali ba ba tamilwe ki sila. Kuna ni batu babainzi kwande koo, mwendi, haiba U sa ba swalí, ba ka shwa ka matuku a pilu. Mwendi babañwi ba bona ba cilwe ki kansa.

⁶⁸ Mi Ndate, Wena u ziba pilu ya mutu kaufela. Wa ziba haiba ki niti kamba ha ki niti. Mi lubona lika ze bakeñisa kuli luziba Zo ezize, mata a Hao amatuna atamuluzi babañata hahulu. Lu lipaki za litaba zeo, ni ha balika ku lubulelala kuli “lika zeo hali ezahalangi.” Kono za ezahalanga, Mulena. Lu lipaki.

⁶⁹ Na lapela busihu boo, Mulena, kuli ka nzila yeñwi U yahe tumelo mwa lipilu za sicaba se, kuli ufi ni ufi wa bona kaufela a lukululwe, bakuli ba kaufela ni sicaba se si ziyelehile. Hakube ka bunolo fela, Mulena, u lu lumeleze fela, halunze lulika kuluta

Linzwi. Lumeleza Moya o Kenile unge mafosisa aka, Mulena, ni ku a sikulula mwa lipilu za sicaba. Mi ibe luli, busihu bwa niti kuli li...li Akone kufumana malobalo a Hae kasibili mwa pilu ya mulumeli kaufela moo. Lubeya busihu bo kwa mulelo wo, Mulena. Mi cwale bona baba sika piliswa, mwahala lika kaufela, ba itukise; ba itukise cwale, minyako ya sishemo ha i sa kwaluhile. Lwa kupa ka Libizo la Jesu. Amen.

⁷⁰ Cwale luka sikuluhela kwa Mañolo, ka kukala, mi ni . . .

⁷¹ Yomuñwi ubeile ka—ka pampili fa sipula se, mi uize “ba file nubu” yaka busihu boo. Zeo ne li sa swaneli, musike mwa eza cwalo. Ha ni koni ku i amuhela. Na hupula nako yeñwi, Calgary, Canada, ne lungile nu . . . yona nubu yeo neifilwe. Muzwale Jack nalika ku ni bulelela . . . Musala ka uinzi kwa mulaho kwani; yena, bana nebana ni tubaka totubeli mo ne lupila, na beyanga kubo mwa munyako kuli si—si sikwalo kwalive kuli banana basike bakula katabi. Mi ki hali . . . A ni bulelela, kuli, “Muzwale Branham, ha ki nto yende ku munga cwalo.” Kacwalo, mwa hupula taba. Ba fa nubu, Ha ni sa ziba kuli neli madollar amakai masauzande.

⁷² Mi Na li, “Oh, li kutise, Muzwale Jack.”

⁷³ Yena ali, “Cwale, lu ka lieza cwani?” Kacwalo, Na leka sibaka mi siteni kwani. Kacwalo, kanya ni likute la Mulimu. Lwa si buluka cwalo ka lilimo zepeli, musala ka ni Na, kakuba mpo kuzwa kwa keleke, ya sicaba.

⁷⁴ Mi cwale Na hupula kuli, “Zeo ha li utwahali hande. Hakuna se ni tisize mwa lifasi le, mane kwa zibahala kuli hakuna ze Ni ka nga mwateri.” Kacwalo Na fetuha ni ku tomahanya hande, ni ku abela kwa tabernakele. Kuli ha Ni felize, kupalañi, mutanga Mulimu yomuñwi, haiba kuna ni kuba kamuso, uka itusisa yona nako yeo. Mwabona? Kacwalo, ni itumezi hahulu luli, balikani. Mulimu ami fuyole, ka zeo.

⁷⁵ Cwale, ku Jakobo, Buka ya Jakobo, kauhanyo ya 2, lubata kubala, ku kalela fa timana ya 21.

⁷⁶ Mi cwale, Ni ba fela ni . . . Nako nyana ya kuluta, mi kona lu ka kalisa kulapelela bakuli kapili fela mo lu konela, ni kuba ni batu babañata fela mwa mukoloko wa tapelo wo mo lukonela fela. Mi kifo, ni luna, luhupule hape . . . Ha ni lati kulibeleta Kezeli Anna Jeanne ni Muzwale Don, ni babañwi, Ni sepa kuli bainzi mwa Thailand kokuñwi. Nji ha ki kona? Baya kai? Bangkok, ni—ni mwa libaka za kuhasanya linzwi. Kuna ni zeñata hahulu za kunahana musihali, zemu tabela kubulela kwa sicaba. Mi ha utaha kwanu, hau—hau sa li hupula, u inelela fela kwa tuto yeo.

⁷⁷ Mi cwale, mwa Jakobo mo, kauhanyo ya 2. Mi lu ka kalela fa timana ya 21 mwa kauhanyo ya 2 ya Muhalalehi Jakobo, ni kubala si—si siemba sa Yona. Timana yabu 21 mwa kauhanyo ya 2.

Kikuli Abrahama ndata luna ha si ka bewa ya lukile ka misebezi, nako ya tahisa Isaka fa... aletare?

Wabona kuli tumelo ya hae ne sebelisana ni misebezi... mi tumelo ya hae ya petahala?

Mane kwa ezahala sesi ñozwi mwa liñolo kuli, Abrahama a lumela ku Mulimu, mi kulumela kwa hae kwa mu balelwa kuli ki ku luka: mi a bizwa Mulikani wa Mulimu.

⁷⁸ Cwale, tuto yaka busihu boo... Mi muswale Libibele za mina cwale, kakuli Nina ni Mañolo amañata nyana añozwi faa. Haiba lu sa ingi nako yetelele, Ni ka swanisia ku amañata aona. Tuto yaka kikuli: *Misebezi Ki Tumelo Ye Bonahaliswa*. Cwale, muhupule: *Misebezi Ki Tumelo Ye Bonahaliswa*. Misebezi i bonisa kuli tumelo se i ngile sibaka kale, mwabona. Mwabona? Cwale, lu keta yeo kakuli luna... Ni lumela kuli yakona ku lutusa ku utwisia. Cwale muteeleze hande ka tokomelo, mi lu ka kena kuyona sina tuto ya Sikolo sa la Sunda.

⁷⁹ Fa Jakobo ubonisa mwa tuto ya hae, kuzwa kwa Genese 22:1-9, sana boni *mutu* ku Abrahama.

⁸⁰ Ha lu kuteleñi mwa mulaho, Ni na ni Mañolo añozwi kulo fa. Mwa Genese, kauhanyo ya 22, ni timana ya 1 kuisa fa timana ya 9.

Mi litaba zeo ha lifelile, Mulimu alika Abrahama, mi ali ku yena, Abrame... Abrahama: mi yena ali, Bona ki Na yo.

Mi ali, Unge mwana hao, wa libanda Isaka, yo lata hahulu, u ye mwa naha ya Moria; u yo mueza... sitabelo sa ku cisa fahalimwa lilundu le Ni ka ku supeza.

Mwabona, Na si ka mu bulelala mane kuli ki lifi. U kala fela kuzamaya Mulimu ha bulezi, uzwelapili fela kuzamaya. Mwabona?

Abrahama azuha malungasiku a belesa mbongolo ya hae, anga batanga ba babeli ni yena, ni Isaka mwana hae, apazula likota za sitabelo sa ku cisa, ki ha zuha, ni kufunduka kuliba kwa sibaka... sa na mu... bulelezi Mulimu.

Mi ka lizazi la bulalu Abrahama ananula meto, mi abona sibaka seo kwahule.

Cwale Abrahama ali kwa batanga ba hae, Mu siyale kwanu ni mbongolo; cwale Na ni mwana lukaya mwani ku yo lapela, mi lu ka mi kutela.

⁸¹ Cwale, na nza nahana cwale, kuli u yo bulaya mwana hae, kakuli Mulimu na mu bulelezi kueza cwalo. Kono amu talime Liñolo fa.

...Na ni mwana lu yo lapela mwani, mi lu ka mi kutela. (Yena ni mushimani.)

Mi Abrahama ki hanga likota za sitabelo, a li lwalisa Isaka mwana hae; anga mulilo mwa lizohola hae, ni tipa; mi baya bababeli... hamoho.

Cwale Isaka ali ku Abrahama ndata he, mi ali, Ndate: mi ki hali, Ki Na yo, mwana ka. Mi ali, Amubone mulilo ni likota ki ze: kono ngu ya sitabelo sa kucisa i kai?

Mi Abrahama ali, Mwana ka, Mulimu uka iponela ngunyana ya sitabelo sa ku cisa: kacwalo baya bababeli hamoho.

Mi ba taha mwa sibaka sana... mu bulelezi Mulimu; mi Abrahama ayaha aletare fateni, alukisa likota, atama... Isaka mwana hae, mi amulobaza fa aletare ya likota.

Abrahama a otolola lizoho la hae, mi anga tipa kuli atabe mwana hae.

Lingeloi la MULENA ki ha li mu biza lili mwa lihalimu, milali, Abrahama, Abrahama: mi ki hali, Ki Na yo.

Mi ki hali, Si isi lizoho la hao ku mushimani, u si ke wa mueza sesiñwi: kakuli cwale Ni ziba kuli u saba Mulimu, ka kubona kuli ha u si ka ni hanisa mwana hao, wa... kuna... mwana hao wa libanda kuna. (Ha ki musebezi ni woo!)

⁸² Cwale, lu fumana fa kuli Jakobo usweli kulumba Abrahama ka misebezi ya hae.

⁸³ Kono cwale, ku Paulusi, mwa Maroma, Buka ya Maroma, ya 8... kauhanyo ya 4, 4:1 kuisa fa 8. Hanina ku i bala kaufela, kono nibale fela siemba sa yona.

Mi cwale lukali Abrahama ndataluna, sa na fumani kwa neku la butu ki sika mañi?

Kakuli Abrahama haiba ubeilwe ya lukile... (Mu hupule, nelu ngile linzwi leo maabani busihu, "kuluka.")... ka misebezi, fo una ni libaka la ka itumba ka lona; kono isi papila Mulimu.

Kakuli liñolo lili ñi? Abrahama alumela ku Mulimu mi kulumela kwa hae Mulimu amu balela kuli ki ku luka.

Cwale ku mutu yaeza musebezi mupuzo ha u talimwi kuli ki mpo ya sishemo, kono ki sikoloti.

⁸⁴ Cwale—cwale sa sweli kuswanisisa teñi Paulusi fa, ki sana boni Mulimu ku Abrahama.

⁸⁵ Cwale halu... haiba muka... kambe nelusa apuli amañata, neluka kutela kwa Genese, kauhayo ya 15, ni timana ya 6; 15:6, Ni lumela kuli ki yona. Luka kalela fa 5.

Ki ha muisa kwande, mi ali, U talime lihalimu, mi ubale linaleli, haiba ukona ku libala: mi ali ku yena, Baikulu ba hao ki fo ba ka kuma.

Mi alumela ku MULENA; mi a mubalela ku lumela kwa hae kuli ki ku luka.

⁸⁶ Cwale baana bababeli bene ba ambola za tumelo: Paulusi u beya Abrahama kuluka ka sa na boni *Mulimu* ku Abrahama; kono Jakobo ubeya Abrahama ku luka ka sana boni *mutu* ku—ku Abrahama.

⁸⁷ Mwabona, cwale, Jakobo naize, “U beiwa ya lukile ka misebezi ya hae.”

⁸⁸ Paulusi naize, “U beiwa ya lukile ka tumelo.”

⁸⁹ Kono amubone, Abrahama a lumela ku *Mulimu*, kona za na boni *Mulimu* ku yena; na Li lumezi. Kono he ha yo fita fa kueza inge kuli ne li ezipwe kale, zeo kwateni kona za na boni *mutu* ku yena.

⁹⁰ Mi ki nto yeswana ni ku luna, kakuli misebezi ya luna ibonisa tumelo ye lunani. Kono haiba lusaba kueza ka mo lu lumeleza, kona kuli mane ha Lu lumeli. Mwabona, una ni ku Li lumela.

⁹¹ Misebezi ya Abrahama ne i bonahaliswa ka tumelo ya hae yana nani mwa sepiyo ya *Mulimu*. Cwale, Abrahama, muhupule, neli wa myaha ye nainte yakupepwa, kamba, neli myaha ye mwanda ya kupepwa, mi Sarah neli myaha ye nainte yakupepwa. Mi cwale ne se ba supezi luli za ngana, neba fitelezi nako ya kupepa bana, neseli myaha ye miñata, ñata luli. Mi ne bapilile hamoho sina muuna ni musala hae kuzwelela kwa bwanana bwa bona, kono nebasina bana. Kono ibo, *Mulimu* na mu bulelezi inge ana ni myaha ye sebente-faifi, ni Sarah sikisite-faifi, “Mu kaba ni mbututu.” Mi a lumela sepiyo ya *Mulimu*. Na I lumezi. Cwale, mwabona, alukisa lika kaufela kulukiseza mbumbu yee. Mwabona, seo kona sa na boni *Mulimu*, nako ya lumela ku *Mulimu*; mi *mutu* abona sa na ezize ka kubonisa za na lumela. (Mi kinto yeswana yesebeza ni busihu boo, kona mo kuinezi ni ku luna.) Se li patuluzwi ku yena. Mwabona, ne li patuluzwi ku yena, kacwalo ali lumela ona cwalo, mi nasweli kueza inge kuli liezahalile kale.

⁹² Cwale, ha lu yemeñi fela faa, ka muzuzu fela. Fokuñwi lupalelwanga ku utwisisa nto ye. Batu baba fela ni maikuto, mi balika kusebeza ka maikuto. Zeo halina kubeleka.

⁹³ Cwale, Ni swana inge Muzwale Gerholtzer fa, luna—luna lu baana bahulu, mi se lubile mwa . . . ye ki nako yetelele, mi luboni zetuna ni zenyinyani, ni—ni lika kaufela. Ni kulapelela bakuli, mwa lifasi kaufela, ni kubona ku—ku kuswaba kwa sicaba, ni kubona ma—ma “Haleuya” kuzwa kai ni kai. Mi, ze kaufela, lwa ituta ka zona. Cwale, hane lusali fela bashimani babanyinyani, ha lu kala kukutaza ze, Muzwale Gerholtzer, inge mo no kalezi

kutapela. Taba yapili, mwa ziba, nekubanga kuli Ne ni zwela fande, mi Ni ba... Muzwale Jack, Ni bile ni Muzwale Brown ku ni zamaisa fa mukwakwa, busihu ni busihu, kulika kuli nibe ni itwaeze. Ne ni yema fani, inge mushimani yomunyinyani, inge ni hasaka mezi, kubona lipono, mwa ziba. Mi Ne ni ineleta ona fani kufitela Muzwale Brown...

⁹⁴ Na hupula busihu bulibuñwi, Hanina ku libala zeo, neli kwa San Jose kamba kusili. Ataha ku to ni zusa, Ne ni si ka lobala ka mazazi nyana mi ne Ni sa zibi kuli Ni ambola ni mutu, kono abulela kuli ne Ni mu bulelezi. Na kala kulila, nali, "Na ya kwa hae." Mwabona?

⁹⁵ "Kiñi," mi ali, "ha ukoni kuya kwa hae. Kuna ni mukopano osweli kuezahala kwani."

⁹⁶ Se nili, "Kihande, Ni ka itukisa ka mizuzu yelikani za kuya kwa hae." Mwabona, mwabuse fela, nali kuswaba, cwalo. Mwabona, Ne nili fela mushimani nako yani.

⁹⁷ Inge ya ituta kutapa mwa nuka, mwa ziba, mu hasaka mezi ni kusila lisa, mi "huhhh, huhhh, huhhh, Na kwanisa!" Cwale, umano ituta kutapa, hahulu ki mabote, kono ha "ku katalisi" hahulu. Mwabona, kona cwalo, mwa ituta mwa ku li ezeza; ni kupumelela kaufela ni kueza hane, mi zeo kaufela libunolo. Mwabona?

⁹⁸ Mushimani ya si ka zamaya fateni, wakona kulika kuzamaya mwahala lipulza ze mo, wakona kuwa linako zeñata nyana mi mane "akatale luli" asika fita kale faale. Kono mañu kaufela ya ziba kuzamaya, mu mati, naka zamaya mwahala lipula mo kusina neba kulemuha ze ezahala. Kihande, nana ni zeo ka kukala, kona sali sona cwale.

⁹⁹ Kihande, ki nzila yeswana ni kukutaza foliso ya Bumulimu kamba sika sisili kaufela. Hamunze muya cwalo, mukala kuituta. Haiba u sa ituti, kuna ni se si fosahalile. Mwabona, una ni kuituta, mi una ni kuituta mwa ku amuhelela Mulimu ni se si taluswa.

¹⁰⁰ Lwa li lumelezanga, fokuñwi lu bulelanga kuli, "Kihande, mucaha yo nasina tumelo yeñata, mucaha yo hasika eza se ni se." Kuna ni libaka foo la seo, kuna ni libaka. Fokuñwi ki sibi se si si ka bakelwa. Wakona kusela hemele mutumbi ya oli ku mutu, ni kuhuwa mane usileha linzwi, halina ku kasha ñimona yeo. Batili, sha! U lukela kuipulela zona. Kona zeo temuho iezanga, kuli, "Zamaya u yo lukisa zeo, tisa lika zeo."

¹⁰¹ Kono ki ka bunya luli kueza cwalo, mwa bona. Mi kanti-kanti babañwi ba bona batokwanga pilutele, mi bali, "Ah, Ne ba si ka ni lapelela." Kono lubata kufumana nzila cwale, kuli... se si ezahalanga, mayemo amakalelo luli a foliso ya Bumulimu.

¹⁰² Cwale, mpo, inge fela mo ne Ni bulelezi maabani busihu, "Mpo ki yende, kono haukoni kuyendeka bukamuso bwa hao

bwa Kuyakuile fa limpo.” Haukoni kutiyela fa lika zenyinyani, mi haili—haili mpo ki nto yenyinyani. Mi Satani wakona kulikanyisa mpo kaufela yana ni Mulimu, wakona kueza sika mane inge sika sa luli, mwabona, ona cwalo luli. Kabakaleo, lu lukela kutokomela zeo.

¹⁰³ Inge linako zeñwi Na bulelanga za kuhuwa; Ni boni madimona ha huwa. Um-hum. Kubulela ka malimi, Ni boni ha bulela ka malimi. Luli, wa kona li Li likanyisa. Ha ki za niti, kono wa Li likanyisanga, mwa bona, kuli mane libonahala inge kona za niti. Mi sicaba fokuñwi, baba sa zibangi shutano, ba bulelanga kuli se kona sa “niti” kanti mane ha ki sa niti.

¹⁰⁴ Mi nto yeswana kona yeba eza ni kwa foliso ya Bumulimu. Ba nahana kuli, “Kihande, ki lika za kuyambutuka fela, kamba nto yecwalo.” Ha ki cwlaro. Ki za niti, tumelo yesika zwakiwa ku za bulezi Mulimu kuli kona Niti. Mi seo sa kumalela hande! Mi ha si sweli, hakuna sesikona ku si shenyisa. Si ka ineleta ona fani. Mi kabakaleo, kupumaka maneku ao, . . .

¹⁰⁵ Cwale, *tumelo* ki “sinulo yezwa ku Mulimu.” Cwale, tumelo ki sinulo. Fo kona fo Ni bata kuinelela, ona foo, fa nako nyana. Ki sinulo. U li patululezi ku wena ka muhau wa Hae. Ha ki sika so ezize. Ha u si ka beleka sika fakuba ni tumelo. Haiba ukile waba ni tumelo, i filwe fela ku wena ka muhau wa Mulimu. Mi Mulimu wa i patulula ku wena, kabakaleo tumelo ki sinulo. Mi Keleke ya Mulimu ka kutala i yahilwe fa sinulo.

¹⁰⁶ Mukutazi wa Baptist na ni bulelezi, ha ki kale hahulu, na ize, “Ha nikoni fela kuamuhela sinulo.”

¹⁰⁷ Se nili, “Kipeto haukoni ku amuhela Bibebe. Haukoni kuamuhela Kreste, kakuli ki Yena Sinulo ya Mulimu. Kiyena Mulimu ya patuluzwi mwa nama.” Kabakaleo, Keleke kamukana i yahilwe fa sinulo ya Bumulimu.

¹⁰⁸ Jesu naize ku (Ni lumela kuli neli Pitrosi) . . . ali, Na ize, “Kanti batu bali ki Na mañi na nili Mwana mutu?”

¹⁰⁹ Nasweli kuambola kwa balutiwa ba Hae. “Mi babañwi bali ki Wena ‘Elila,’ ni ‘Mushe,’ kamba ‘Alimuñwi wa bapolofita,’ ni ‘Jeremias.’”

¹¹⁰ Mi ali, “Kono mina muli kina mañi?”

¹¹¹ Na ize, “Ki wena Kreste, ili Mwana Mulimu yapila.”

¹¹² Cwale, keleke ya ba Roman Catholic ili, “Na bulela ka Pitrosi, ‘Fa licwe leo Ni ka yaha Keleke ya Ka.’”

¹¹³ Baipanguli bali, “Na sweli ku Iyaha ku yena Kasibili.”

¹¹⁴ Cwale, hakulata ba bulela niti. Kono, ku na, bababeli cwalo ba fosa. Ne li fa sinulo ya moyo ya Yoo nali Yena. “Nama ni mali ha li si ka ku patululela litaba zeo, Pitrosi. Kono ki Ndate Yali, mwa Lihalimu, ya ku patululezi seo. Mi fa licwe leo,” ki sinulo ya Yo ali Yena; fahalimwa sinulo: Yena kiyena Linzwi, ka kutala.

"Fa licwe leo Ni ka yaha Keleke ya Ka, ni minyako ya lihele haina ku I koma." Ne kubonisa kuli minyako ya lihele neika I lwanisa.

¹¹⁵ Abele, ka tumelo, sinulo, (kusina Bibele ka mazazi anii), ka . . . Abele, ka tumelo, afa ku Mulimu sitabelo se si kateleha kufita sa Kaine. Yeo Mulimu upakile kuli, "Na li ya lukile." Cwani? Ka tumelo. Cwani? Ka sinulo! Ka sinulo, Abele afa ku Mulimu sitabelo se si kateleha, kakuli ne li patuluzwi ku yena kuli ne si miselo ya mwa simu, ne li mali.

¹¹⁶ Kona batu babañwi habakona ku Li lumela, mi babañwi ha ba Li lumeli, babañwi balika ku Li lumela.

¹¹⁷ Mwa nyangela ya sicaba, mo kuna ni mukoloko wa litapelo, muka fumana babañwi . . . mi nebalii batu babande luli, luka bulela kuli. Kuna ni ba balika katata ku Li lumela, balika ku ikenya ku Zona bona fela. Babañwi habakoni fela kueza cwalo. Mi babañwi, ki ka sishemo fela, i filwe fela kubona. Cwale, yeo kona shutano. Mwabona? Yeo kona ye eza lika. Yeo kona sinulo ya luli, kakuli tumelo ki sinulo yezwa ku Mulimu. Ina ni ku patululwa pili.

¹¹⁸ Jesu handende na bulezi taba ye ha Na ize, "Hakuna mutu yakona kutaha ku Na konji haiba Ki Ndate a mu bize pili, kamba a Ni patulule ku yena pili." Mu lukela kubala se. Ki Muhalalehi Jakobo, kamba, Muhalalehi Joani 6:44 ni kufita fa 46. Neba sa zibi Yo nali Yena. Ne ba hupula kuli Nali fela muuna wa fela-fela. Ne ba Mu hupula kuli yena, inge batu mo ba ezeza kacenu, mupolofita yomuñwi cwalo. Na li mupolofita, Na li fela Muuna wa fela-fela, kono nekuna ni zetuna kufitelela foo.

¹¹⁹ Inge fela maabani busihu, ha ne luambola . . . Ha mu kaba ni buka, muka bona kuli mwendi ki kulyangana nyana mwateni ka ze Ni bulezi kuli, "Libuka zepeli za Bupilo." Ki Buka yeswana, kono iliñwi ya zona ki kupepwa kwa hao kwa nama, yeñwi ki kupepwa kwa hao moyo. Ye i ya ku yeñwi, inge fela lutaka lwa buloto. Kihande, cwale, mubulela za ka, mubulela za ka kakuba mutu yapila. Kono kuna ni kalulo yaka fa, yena mutu yoo, yalukela kushwa. Yeo kona Buka ye takulwa mabizo ku yona. Kono ya Kuyakuile, ye Lukisizwe kale, ye Ketilwe, libizo halikoni kuzwa mwateni kakuli nelili mwa Teni nako kaufela. Ha li koni ku takulwa mwateni. Muka li lemuha mwa buka, kuli musike mwa lyangana. Muka lifumana ona cwalo. Kakuli, Ni sepa, Muzwale Vayle, ya beile sikuwa se sikondile kuyona, u ni hupulisize za yona kacenu. Se nili, "Yeo ki niti."

¹²⁰ Ba Baptist balumela kuli kuna ni libuka zepeli ze kauhani. Mi ka nzila iliñwi ki libuka zepeli zekauhani, ni ka nzila isili ha ki zepeli zekauhani. Na ni batu bababeli baba kauhani . . . Ni mubili ni moyo ni moyo, batu babalalu baba kauhani, kono Ni . . . ki ulimuñwi fela o ni panga kuba mutu.

¹²¹ Kuna ni fela Buka iliñwi ya Bupilo. Inge mone kubezi ni peu iliñwi ya—ya buloto yene ti lo hula kuba lutaka, ni kuyopunya

kwa sibunga, ni kutaha cwalo mwa sikapi, ni kukena mwa buloto; musipili kaufela mwani, mu li, “Cwale, boo kona buloto mwahali mwani.” Ha ki buloto, ki lutaka, kono hamoho ki buloto. Mwabona, ki buloto kakuli kaufela ki lutaka fela, kono buloto kona ze mubulela ze mubulela, bubeke kwa mafelelzo azona. Zeñwi ki lishimbelo fela, lina ni kushwa. Mi seo kona sibaka silisiñwi—silisiñwi se si utwahala inge kuli mwakona kuba ni libizo kutakulwa mwa Buka ya Bupilo ya Ngunyana, mi sibaka sesiñwi hamukoni kueza cwalo. Kacwalo, fo kona fo siinzi. Kaufela zona liinzi mwa sinulo ona moo, yene zibahalizwe ka nako ya Maswayo Asupa. Kiñi hakuli cwalo, kiñi batu babañwi ha ba sa Li lumeli?

¹²² Jesu nabulezi kuli “Hakuna mutu yakona kutaha ku Na konhi haiba Ki Ndate ya mubiza pili. Mi kaufela ba Ni file Ndate, ba kataha ku Na.” Hakuna mutu yakona ku utwisisa Yo ali Yena, kamba mo Li inezi, konji haiba li patululwa ku we ka sinulo ya Mulimu. Mi kipeto tumelo ku zeo, uka eza ka swanelo. Mwabona? Fa lubona hande patalaza kuli Mulimu u patululwa ku Jesu, mi konji bona fela bene ba lemuhilwe kale kona baba ka bona, ba ka li bona. Mubone hande kuli mwa bala Liñolo leo, Ni li fitelezi, la Muhalalehi Joani 6:44 kuisa fa 46. Ni li fitelezi kakuli Ni hupuzi kuli mwendi lukaba ni . . . mwendi haluna nako yeñata kuli lufite kuzona, kakuli waci yani fahalimu fani izamaya fela icibilika.

¹²³ Mi kacwalo luka . . . Mu lemuhe, “Hakuna mutu, hakuna mutu yakona kutaha haisi Kuli Ndate amu bize. Mi kaufela ba Ni file Ndate, ba ka taha ku.” Ba ka Li lemuha. Hakuna mutu usili yakona kueza cwalo, hakuna mutu usili, hakuna taba kamba kiyomunde cwani, yo uli yena, Ina ni ku patululwa ku wena. Kipeto u ka bona Yo Jesu Kreste ali yena.

¹²⁴ Cwale, fa, mulelo o lelilwe kale ki mubonelo o zibahala hande. Kuswana fela ni peu yeñwi, Linzwi la Mulimu ki Peu mi ina ni kuba ni mubu o limilwe ka kuitahanelo. Haiba u cala peu, ku iyumbela felafafasi, haikoni kuba hande, linyunywani lika i nopa. Ha u nepela mwa mikakani ni miutwa, ika i pukutisa kapili fela. Nguli ya Jesu ne ibulezi ona cwalo. Kacwalo mubu una ni kulimiwa pili. Kacwalo, Mulimu, mwa sishemo se si ipitezi, ulukisa lipilu pili. U ku lukisize kusikaba kale mutomo wa lifasi, kuli u Mu amuhele mwa lusika loo. Na ku zibile kale ka kuziba kwa Hae, ni ku ku lukiseza Bupilo Bobusafeli. Na ku zibile, kona ha Na ku lukiselize cimo.

¹²⁵ Kona ha no sitatalile mwa lika ze kaufela, ni kusitatala kukena ku sonani cwale. Neli Mulimu yana ku zamaisa kuliba kwa sibaka sa Na lukiselize wena. Ki . . . kamba haiba—haiba—haiba mubu wo no lukisizwe kale, haikoni kuhula. Leo kona libaka, peu ya tumelo, ha u kutaza tumelo, ubone litemuho za Mulena, ni kubona ze ezahala, mi ni limpo kaufela za Bibebe li ka beleka. Batu ba i kangabekanga fela, “Oh, haleluya, Na Li lumela,” ni ku nanuha, mi ba ipumana inge ba swabile.

Mwabona, mubu una ni ku lukisezwa cimo. Mi uka ziba ha I nata fateni.

¹²⁶ Inge mbande yaka yenyinyani, maabani busihu. Ne i zibile ha i utwa muhuwo wani wa mbande ya mushemi, “kuna ni shutano yetuna mwahala yona ni ku kekela kwa kuhu.” Mwabona, kakuli neili mbande kuzwelela mwa lii. Isiñi . . . neiska bupiwa mbande ka nako yani, kamita neili mbande. Ni Mukreste nako kaufela ubile ona cwalo! Leo kona libaka, telekano, ha u lelekile, kakuli no swasehile ku zona, mwabona, ka bashemba hao bapili, bo Adama ni Eva. Wa ba muezalibi ka sibupeho. No sa tabeli ku ba cwalo, kono cwale wa utwa Evangelii, mi “tumelo itaha ka ku utwa,” sinulo itaha ka kuutwa. Kuna ni nto yenyinyani mwahali ku wena.

¹²⁷ Mutu yomuñwi uinzi bukaufi ni wena, uli, “Ah, Ha ni lumeli litaba zeo. Bukuba! Ha ni lumeli zeo. Hakuna ze cwalo!”

¹²⁸ Sina mo ne ba ezelize ka Lizai la Pentekota, ba seha ni kubulela kuli, “Baana ba bakusi veine yenca.” Ba ziba kuli neli . . . Neli nto yetuna kwa batu bao neliezahalela. Kiñi? Neli Mulimu yana i patulula ili Yena ku mutu ufi ni ufi. Kanti babañwi hane baseha, ba bona ne ba nyakalala. Neli sinulo ya mutu anosi, yeli tumelo; tumelo ye patuluzwi. Kambe ne si tumelo, kona kuli nebasike baba mwani mane. Ne li tumelo.

¹²⁹ Ki lipeu fela zetokwa mubu ku limiwa pili. “Kabakaleo, kaufela ba Na zibile kale, U ba bizize. Kaufela Ba bizize . . . Kaufela Ba zibile kale, U ba lukiselize kale sibaka.” Haiba mubata ku i bala, Maroma 8:28-34, hamoho cwalo ni Maefese 1:1-5. Mwabona, kaufela Ba zibile kale, U ba bizize. Kaufela Ba bizize, Uba ezize baba lukile. Mi kaufela Ba beile kuluka, U ba file kale kanya. Hakuna ze zwile mwa sibaka. Lu nahana kuli mwendi lizwile, kono mutualime mwa Mañolo. Lisweli fela kunata hande fa Linzwi la Mulimu ze li bulez kuba cwalo. Lubona kuli Liñusa la hanawa, kacenu. Hanili zeo kona Mañolo za bulez kuli likaba cwalo? Luli, lika ze kamukana li lukisizwe ki Mulimu.

¹³⁰ Oh, Li lukela ku ku tabisa ha uzamaya. Kona butata boluna ni kacenu, lu shutanela kwahule luli ni Bakreste ba kale. Kanti ya niti, sinulo ya niti ya Jesu Kreste kakuba Emanuele yapila mwa lipilu za batu bani, ne batu baba nyandile. Kono kacenu lu ombo-ombiwa ki likopano, ni zakuli, “Oh, Na ku bulelela, habana Sinulo. Aku tahe kwanu.” U itingile fa sinulo ya *bona*. Haiba sinulo yabona ha i zamaeleli hande ka Linzwi la Mulimu, kona kuli ifosahalile; yaka kamba ya mutu usili fela, foo kona fokutahanga kuswaba. Linzwi la Mulimu la bulela ze lukile ni ze fosahalile!

¹³¹ Peu ifi kaufela ina ni kuba ni mubu, eni sha. “Kabakaleo, kaufela Ba zibile kale . . .” Mwabona, Na zibile kale ze ne ka ezahala. Mulemuhe, Jesu nabulezi hape, kaza Peu, “Yeñwi

ya wela mwa macwe, yeñwi mwa mubu o kopani-kopani.” Mwabona, mo kuna ni miutwa ni mikakani, ni lika zeñwi kaufela, Ne i sika hula. Mi yeñwi mwa mubu omunde, mubu omunde, mubu o nunile, ono limilwe, no lumilwe kale.

¹³² Mutu kaufela kwande kwanu uswana sina kuhu, usweli kutalima kwabuse, kulika kufumana sika. Ha itenga ku *se*, ni kuitenga ku *sani*, kono kasamulaho wa nako nyana hañi-hañi kutaha Muhuwo ozwa kwa Lihalimu. U Li lemuha kapili luli kuli, “Le kona Linzwi la Mulimu!” Mwabona, wa Li ziba kakuli kuna ni sesiñwi mwa pilu ya hae sa bulelezwi, se si patuluuhile ku yena ka Lona.

¹³³ Mulemuhe, mupolofita Isaya naize, “Mwalanjo uka itwala.” Ha ki pulelo kwa kuipitela. Kana mu—mu mutu mwa munahano wa hae okwanile okona kubulela cwano zeo? Kwali kusimwa kube mwalanjo yaitwala. “Mwalanjo u ka itwala!” Cwale, na si ka bilaela ka kubulela Cwalo, na Li bulezi fela. Uka li eza cwani? Kihande, woo ha ki musebezi wa hae! Ki . . . Ki ku bulela fela sa bulezi Mulimu sene si ka ezahala. Mulimu na li patuluzi ku yena, amu bonisa pono; a i patulula, mi ne i lukile.

¹³⁴ Yena Mulimu fela yaswana yana ni bulelezi kuli mbututu uka pepwa ka muuna yani ya nasike aba ni mwana, kamba kuba ni musizana. Inge babañwi ni lika zeñwi, mo li utwahalela bunca dokota ha bulela kuli, “Halikoni kuezahala!”

¹³⁵ Kono cwale Mulimu ha bulela kulil, “Li ka ezahala,” li itingile fa mufuta wa linzwi mo li kena. Muhupule, mupolofita na yemi fani mi Linzwi la Hae la utwahala.

¹³⁶ Sina Mulimu, mwa Genese 1, Na ize, “Ha ku be liseli. Ha ku *se*. Ha ku be *sani*.” Abupa mutu mwa sibupeho sa Hae Tota, siswaniso sa Mulimu Aba eza, ili muuna ni musali, mi nekusina sika mwa lifasi nako yani. Mi, lu fumana cwana mwa Genese 2, mo, Abupa mutu ka sibupeho sa Hae Tota. Nekusina mutu wa kulima mubu, kasamulaho wa kubupa zeñwi. Neli sikamañi seo? Ki Manzwi a Hae, Na Li bulezi. Mi ha Na bulezi, A li, “Ha ku be liseli.” Hakulata nekusina liseli mwendi ka myaha ye mianda ye eiti kasamulaho, mwendi liseli ne li siyo, kono Na Li bulezi! Mi ibile fela Na Li bulezi, “Ha ku be kota ya nzalu. Ha ku be kota ya oke. Ha ku be *se*,” lipeu zani ne li bupiwa mwataswa mezi. Yeo ki niti. Mi mwa mwaha wateni, mwa nako, mwa mwaha o lukile, za hula! Halikoni kupalelwa; ki Linzwi la Mulimu. Lona halikoni fela kupalelwa. Li se li bulezwii.

¹³⁷ Cwale, zazi leliñwi, Mulimu a ambola ni mutu, pata ni pata. Kono mwa nako ya Mushe, ha ne ku wa mulilo, se bali, “Tuhela Mulimu . . . Tuhela Mushe abulele; isiñi Mulimu, lukasuhana lwa shwa.”

¹³⁸ Kabakaleo, Ki hali, “Ha ni sa tola ni ambola ni bona ka mukwa ona cwalo hape. Ni ka ba tiseza mupolofita.” Cwalo kona mulao wa Mulimu mone uinezi kamita.

¹³⁹ Cwale, ki yo fa mupolofita ya yemi; cwale, u mwatasa susumezo; ha nahani za kuituta kwa hae, “Cwale,amu libelete fa muzuzu. Haiba Ni kona kubulela cwalo, kihande, mwa ziba, sicaba si ka nahana kuli Ni lyangani.” Mwabona, yeo ki zibo ya hae; foo uteeleza ku Satani, inge fela Eva mwa na ezelize.

¹⁴⁰ Mi haibile fela dokota ubulela kuli, “Ha ukoni kupila. Ha ukoni kufola. Ha ukoni kueza se kamba *sani*.” Haibile fela uka teeleeza ku zeo, Peu yani haiba kuwela mwa mubu o cwalo ni kuba yende. Ha i koni. Kono sika ha si pazaula lika zeo kaufela, mi Si wela mwa mubu omunde wani, hakuna se si kona ku Si pazaula.

¹⁴¹ Cwale, hakuna taba kamba kukanga nako yekuma kai, si ka ezahala. Cwale, Na ize, “Mwalanjo uka itwala.” Kana mwa ziba kuli nekufitile myaha ye mianda ye eiti li si ka ezahala kale? Mulimu na muzibile kale musali, kuli ukaba ufi, kuli ki mañi libizo, mo ne ku kawela Peu yani. Kana mwa lumela cwalo? Luli, Na zibile! Mi kuzwa mwa mba ya fela fela nekuka zwa makazo tuna yee. Mulimu na zibile ka zona, A li patulula fela ku mupolofita wa Hae yana sepahalile ni kubulela Linzwi. Kusina neba kunahana kuli Neli sikamañi, na Li bulezi fela. Na si ka lika ku nahana ka Lona.

¹⁴² Haiba ulika ku nahantisisa...Kucwani haiba muuna yo, musali yo, kamba muuna yo yainzi fa, kamba mutu yasweli kuli ku nahantisisa, “Cwale, Ni bile sihole myaha ye kaufela. Dokota uli, ‘Hakuna kolo ni yekana’”? Kihande, hakulata haikoni kubateni kuya ka mwa zibela, mi yeo ki niti.

¹⁴³ Kono haiba kuna ni se si kona kulima bucwani bwani, haiba Mulimu ka sishemo sa Hae; isiñi mukutazi, isiñi mutu fela usili. Kono Mulimu wakona kubeya sinulo mwa pilu ya hao, kuli, “Ni kaba hande,” hakuna se si ka kubeya wali kuinelela foo. Hakuna se si kona kuku inisa foo, uka ba hande! Kono konji pili seo si ezahale, uka inelela ona fana bulezi dokota kuli kona fo ka ina; kufitela si ezahala. Si na ni ku patululwa. Ki sishemo sa Mulimu se si li patulula.

¹⁴⁴ Cwale, mulemuhe, Mulimu na ziba musali yo ne Li ka taha ku yena. Mulemuhe Isaya, nekusina puzo. Isaya na si ka bulela kuli, “Libeleta fa muzuzu, Mulena! Tuhela... Libeleta fela fa muzuzu! Kiñi So ni bulelezi, ‘Mwalanjo uka itwala’? Kihande, cwale, cwale libeleta, Ndate, kwali—kwali—kwali kusimwa kube sitangu se si cwalo.”

¹⁴⁵ Na si ka kata-kata, a bulela fela ali, “Mwalanjo uka itwala!” Kulukile.

¹⁴⁶ Mulemuhe Maria: “Cwale, cwale Mulena, libeleta fa muzuzu. Wa ziba, Nali—Nali kuba ni zibe fateni muuna. Ze ha li konahali! Hakuna nto ye cwalo yekile ya ezahala fateni! Ohhh, oh, batili, hakuna nto yecwalo yekile ya ezahala fateni. Ni kaba cwani ni mbututu? Ha ni zibi muuna nihaiba wa lubandangoti, konakuli halikoni kuezahala! Uh, Lingeloi tuwe, u lyangani wena. Nina

ni kubona ko ku lyangani. Mwa ziba, keleke ya hesu ili, ‘Mazazi aa afelile.’” Kutowa! Ne lisike la wela mwa sibaka se si cwalo sani. Maria ali kuba abuze lipuzo.

¹⁴⁷ Na ize, “Likona kuezahala cwani? Ha ni zibi muuna.”

¹⁴⁸ Ki hali, “Moya o Kenile uka ku apesa. Kona mo li ka ezahalela.”

¹⁴⁹ Musali ali, “Bona, mutanga Mulena!” Hakuna puzo!

¹⁵⁰ Mwabona, Isaya, Mulimu nako ya tisa Linzwi ka muhupulo (sinulo) mwa pilu ya Isaya, Ne i wezi mwa mubu omunde, neli mupolofita. Mupolofita yani nasina taba ka butali bwa mutu. Nasina taba ni ngana ya mutu. Nasina taba ni mutu wa mufuta kaufela. Na li muzamao o ipile ku Mulimu, mi Mulimu abulela ni kubulela. Ku felile. Kamba za holofaza, kamba ha li holofazi; kamba liutwahala bukuba, kamba ne li sa utwahali bukuba; nelisika ba ni shutano ni yekana kuyena. Ne li Mulimu, isiñi mutu.

¹⁵¹ Mi cwale Linzwi lani ha limano ya, cwale Liba Peu, Ina ni kuwela fokuñwi. Haiba Mulimu na Li bulezzi, ku lukela kuba mba kokuñwi yakuli Li wele mwateni. Sina fela mwa Na bulelezi, “Kaufela za konahala ku ba balumela. Ha mu bulelela lilundu leo kuli, ‘Aku shimbuluke,’ mi mu sa bilaeli mwa pilu, mukaba ni ze mu bulezzi.” Mwabona, kuna ni kuba sibaka koliba ze lukile!

¹⁵² Mulemule! Cwale, lu fumana kuli Isaya fa u Libulezi.

¹⁵³ Maria wa mwalanjo, haibile fela . . . Mubu no so limilwe kale. Nali mwalanjo. Na si ka “mata mata.” Mubu no so lukisizwe kale, kamba ku lemuhelwa kale ki Mulimu.

¹⁵⁴ Neba kubulela kuli, “Na li mwalanjo.” Ona fani Mulimu a ziba libizo la hae mo ne lika bela. Kakuli libizo la hae neliliteni mwa Buka ya Bupilo mwa Lihalimu.

¹⁵⁵ Mi, La bonahala. Mutu cwale (ku mutu) abona mubonahelo wa Lona ka misebezi, kanti ne li ezahalile kale. Cwale lutalima kwa mulaho ni kubulela kuli, “Luli, Ne li ezizwe,” kakuli lwa bona misebezi yene ezahalile.

¹⁵⁶ Misebezi ya Nuwe ne ibonahalile kwa batu, seo tumelo ya hae neili sona mwa sepiso ya Mulimu. Cwale, Mulimu akatana Nuwe, mi ki Hali, “Nuwe, i ka nela. Ni ka sinya lifasi kaufela ka mezi.” Cwale, yali kuba inele fateni, zeo ha li konahali. Kihande, cwale, Nuwe aba . . . Ali, “Yaha areka ya buima bo Ni ka ku bulelela.” Mi yena ka kuba mubeti, akala kubeleka ni kubeya sando ya hae, ni lika kaufela kuli za hae mabala, ni ku ngongotela fani ka likota za shitimu, ni kubeya bulimbwe mwateni sina mwa Na bulelezi. Mi kana mwa akaleza zene ba bulezi batu ka muuna yani?

¹⁵⁷ Ne baize, “Muuna yani awa luli kupale kumane u sitani, kakuli ubulezi kuli, ‘Ku ka zwa pula kwa lihalimu,’ mi hakuna mezi mwahalimu mwani.” Kono, mwa bona, Nuwe na sa nahani

zeo. Misebezi ya hae ne ibonahalela kwa sicaba seo tumelo ya hae neili sona ni sana bulezi Mulimu kuli sika nga sibaka.

¹⁵⁸ Ki kabakaleo Mukreste wa niti ha kauhana kwa sika kaufela kwanda Linzwi la Mulimu, hakuna taba kamba batu ba nahana sikamañi, kamba sa bulela mutu ufi kaufela. U kauhani kakuli . . . Ha buleli fela zeo; haiba ueza cwalo, hakuna kunga nako yetelele kufitela misebezi ya hae izibahala. Uka wa ni kutelela neku *le*, ni kuikenya ku *se ni se*. Ni kukala . . . Uka—uka bonisa seo ali sona. Kono haiba ki ya sepahala, haiba Linzwi la Mulimu lifumani maino ku yena, kipeto Li ka peta za mufuta wa Lona, muka bona muuna yoo hanza itukisa za hola tuna yeo. Mwabona, kona mwa na ezelize Nuwe cwalo.

¹⁵⁹ Mushe, ni kota mwa lizoho la hae, ataha ku to lamulela sicaba ku Faro. Cwale, munahane fela . . . Mushe, Bibele ibulela kuli na lutilwe mwa butali kaufela bwa ma Egepita. Na talifile, na lutanga baika ba bona lika. Na lutilwe mwa zibo ya bona kaufela. Na sa tokwi ku ekeza kwa tuto ya hae. Cwale, munahane fela ka muuna yali kwani mwa lihalaupa, abe ni tuto yeo kaufela, mi cwale Mulimu abonahala kuyena ni kubulela kuli, “Mushe, anga kota yemwa lizoho la hao mi ulibe kwa Egepita, mi ulamulele Banake ka ona mulamu osweli mwa lizoho woo. U ka fefula lika zoote ka yona nto yeo.”

¹⁶⁰ Cwale, kucwani kambe Mushe na ka bulela kuli, “Muñaka, fa nako nyana fela, Ne ni nahana kuli Ni ambola ni Mutu ya itutile hahulu, yena yomutuna yali ‘NITENI’ yo Ubulela kuli ki Wena. Cwale, ni ka kona cwani kuli Ni nge kota yenyinyani ye, ya kale, mulamu o sikami sikami o Ni sweli mwa lizoho, ni kuhapa mpi ya baana babaeza luli, ba lilemano za malumo, balwani? Mi Na kanti ha ni mulwani, Ni mulisana. Ni kona cwani kueza zeo?”

¹⁶¹ Nekusina puzo! Kiñi? Kiñi? Muba mwa pilu ya hae! Na li mutu ya lemuhezwi cimo. “Limpo ni lipizo halitahi ka kubaka.” Mulimu na bulelezi Abrahama kuli Na ka muezeza zona, mi teni fani muba wa lukiswa.

¹⁶² Mi Mushe anga kota yeneli mwa lizoho la hae mi aya kwani ku yo lamuhela naha. Ha taha ni kota mwa lizoho la hae, ni kubulelela Faro, “Ba tuhele ba zamaye!” Faro abona ku Mushe misebezi, kuli nana ni tumelo ku sa na ka eza, kamba kulika kueza. Na na ni tumelo mwa sepiso ku Mulimu yana file sepiso, ayo hapa cwalo. Hakuna mutu usili yana lukela kueza cwalo, mi hakuna mutu usili yana lukela kueza cwalo, ki yena yana lukiselizwe kueza cwalo. Mulimu, kuzwa sapili, na bulelezi Abrahama kuli ona zeo kona ze ne ka ezahala. Mi cwale nako ya sepiso ha i sutelela, nekuna ni mushimani apepwa, mwana yomunde. Mi bashemti, Amramu ni Jochebedi, ne ba si ka saba litaelo za mulena. Mwabona, nekuna ni sesiñwi, muba no so limilwe kale.

¹⁶³ O Mulimu, Ni sepa kuli Ni ambola kwa mubu o limilwe, busihu boo! Haiba Peu yakona kuwela mwa sibaka sesinde, mi ikaba omuñwi- . . . Haiba ha ku cwalo, halina kuezahala.

¹⁶⁴ Yeo ki nto yeswana. “Kiñi,” mu li, “Muzwale Branham, mufuta o cwalo wa li zwisa ku luna.” Haiba kuba cwalo, li zwa mwa Bukreste, hape. Mwabona, wakona kulikanyisa sika kaufela. Kono haiba ki . . . Haiba luli La wela mwahali, Linzwi la Mulimu ha liwela mwa mubu o lukile, Lika tahisa za mufuta wa Lona. Kuna ni kuba cwalo, kakuli Ki Peu.

¹⁶⁵ Nuwe . . . Mushe, misebezi ya hae ya bonahalisa tumelo mwa sepiso ku Mulimu yana lumela. Faro, muuna muuna, nabona sene sili . . . isiñi . . . na sa boni Mushe mwa na ka liezeza, kono na ziba kuli Mushe na lumela za nabulela kusicwalo nasike kuyema mwa sibaka sani ni kota mwa lizoho la hae. Ali, “Ka yona kota yee, Ni ka ba lamulela kuzwa ku wena.” Muuna muhulu, wa myaha ye eite ya kupepwa, isiñi mumati; muuna muhulu, wa maheta a weyukile, ni mahaha alepelela fwakaa, mane, mwendi kufita ni mwa teka; mili twaa kaufela ki limbi, haiba nanani yona. Mi kwani ni mulamu wani mwa lizoho la hae, ali, “Ni ka ba lamulela, lukulula sicaba sizamaye,” KISONA SA BULELA MULENA. Mi haiba usaezi cwalo, Mulimu uka ku atula.” Amen! Kiñi? Zeo kikuli, mwabona, yena, kana na sabile nji? Kiñi, lisho li liliñwi fela, lilulo li liliñwi, zeñwi kaufela ne li ka felisa. Nasina sabo! Na ziba hande nde fa na yemi; ali, “Mulimu uka ku luba, Faro.” Eeni, sha.

¹⁶⁶ Kakuli Mulimu na mu bulelezi, “Uka kutela kwa lilundu le hape,” mi na ziba kuli na ka kutela kwateni.

¹⁶⁷ Haleluya! Lwa ziba ko luya ni luna, kwa mafelelezo a musipili. Mulimu u sejisize! Kuna ni Naha mwabuse bwa nuka. Mutokwe sabo mwa bupaki mwa mina. Amen. Haiba li patuluzwi ku wena, hauna kuba ni sabo. Hauna taba kamba lifasi kaufela . . . se ba bulela; hauna sabo. Haiba li patuluzwi ku wena, kuli, “Ye ki Niti yezwa ku Mulimu,” kipeto ukapila usina sabo. Haiba ha ku cwalo, haukoni kuba.

¹⁶⁸ Davida, ni kafwililo ka mulisana, abonisa kwa mpi kaufela ya ma Isilaele, tumelo yana nani kuk Mulimu wa bona. Cwale, nekuna ni Goliati kwa neku leliñwi, mi ayema fani inza i kuhumusa. Linako zeñata kufita Davida, nana ni minwana yemitelele mainci a foutini. Mi nali silupula, mutangana yomutuna, ngangalume wa mu Filisita. Mi fa nekuna ni Davida, yomunyinyani hahulu, mane neli mwanana hahulu kuli abe mwa mpi; neli kashashala ka mbonezikai, neba sa itusisi yena. Kacwalo, bahulwani ba hae nebali kafani mwa mpi. Mi, cwale, Goliati inge asweli kulongaula muikuhumuso.

¹⁶⁹ Kono Davida, cwale muhupule, ne li patuluzwi ku Davida. Ahupula kuli, “Ki ze fa limpi za Mulimu yapila, liyemi mwa naha ya zona, mi ki yani fani Mafilisita ya si ka kena mwa mupalo inza

inuneka.” Lu ka mu biza kuli “kansa” busihu boo, lu ka mubiza kuli “luñañali.”

¹⁷⁰ Kiñi, Davida ne si mutu yakona kulikanyiswa ku yena, nasina mufuta kaufela wa silwaniso; nasina yalikana ni yena. Maheta a muuna yani mwendi neli lishumi, liñokolwa ze lishumi ni zepeli mwa bukima; hayema neli foutini, liñokolwa ze fiftini mwahalimu. Lilumo inge kushenga kwa ngo ya lilundu, lelitele mwendi liñokolwa zemashumi amabeli mwa butelele, kushenga kwa lona fahalimu ki liñokolwa zene mwabukima.

¹⁷¹ Mi Davida yomunyinyani ali kuyema fani ni tuhala ni sipapa sa mukata, wa puli kamba mukata wa ngu, ni tulegeni totubeli tutamilwe kwatensi. Kono ne *kupatuluzwi* ku yena! Sinulo ne i mu potezi! Amen! Ki hali, “Mulimu yana ni lamulezi mwa mazoho a bere, yana ni lamulezi mwa mazoho a tau, kana Uka palelwa cwani kunifa Mafilifta yasina mupato yoo mwa lizoho laka!”

¹⁷² Bahulwani ba hae, nebakona kueza cwalo mane ka swanelo. Saule, toho ni maheta fahalimwa mpi ya hae. Kono, mwa bona, ne li si ka patululwa ku bona. Amen. Ki zeo foo: neba lumela kuli nelika ezahala, neba lumela kuli Mulimu na ka li eza, ne li si ka patululwa ku bona; kono ne li patuluzwi ku Davida. Cwale, yeo kona shutano, ona foo. Haiba luli li patuluzwi ku wena kuli Mulimu uka ku folisa, uka—uka ba cwalo. [Hakuna manzwi fa tepu—Mu.] Ukaba ni ku... Hanina taba kamba kiñi ze ku kataza, kamba matata ki afi, hakulata ki zetuna kufita Davida ni Goliati. Kono haiba li patuluzwi ku wena!

¹⁷³ Mi mulemuhe, haiba se li patuluzwi, Davida na tokwile sabo. Mi ali, “Kacenu Ni ka puma kwatensi toho ya hao!” Amen. Yani ki yena Mulimu waluna. Ka sishemo, mwa nako yetata yani keto hane i na ni kueziwa, yena Mulimu yaswana yani yana tisize sishemo ka lizazi lani, ni kubeya mwateni peu ya tumelo ku mushimani wa litunda yani, kakuba mwa pilu ya hae; yena Mulimu yaswana yani, mwa nako yetata ye, wakona kuzwisa musali yo mwa wiucheya; muuna *yani*; musali yoo *fa*; mwana; ki...?... Yona peu nyana ya tumelo yani i patuluzwi ku wena, kipeto Hanina taba butelele bwa nako bobukaba teni.

¹⁷⁴ Cwale mulemuhe ngangalume yoo, kwa neku leliñwi, nebasisa lumeli; niyena kansa na sa li lumeli. A seha, mi ali, “Kikuli Ni nja na? Mu ni lumela kashimani kao ku to ni lwanisa?” Ali, “Ni ka ku nanulela, kwa mafelelezo a lilumo laka, mane linyunyani lice nama ya hao.” Kiñi, nana ni kaufela... kaufela, lika kaufela fa noka ya hae.

¹⁷⁵ Kono, mwa bona, zeo ne li sika nyunga Davida ni hanyinyani. Kiñi? Ne li patuluzwi ku yena. Nana ni tumelo ku sa na eza. Na ziba kuli uka eza cwalo. Mi aeza cwalo, kakuli ne li patuluzwi ku yena mi uziba hande fa yemi.

¹⁷⁶ Mi kambe Mulimu na ka bulela fela cwalo, kukena mwa pilu ya hao busihu cwana, ali “Hauna ku lobalelala mwa mumbeta woo. Hauna kuinelela mwa sipula seo. U kaba hande,” nekusina sika se ne si ka cinca ngana ya hao ku zona.

¹⁷⁷ Kono kufitela zeo liezahala, mukutazi kaufela mwa lifasi na ka lapela, . . . Ha ni buleleli kuli neiske ya tusa; neika tusa, neika ku susueza. Kono konji pili tumelo yeo . . . Mwabona, mata a foliso ateni ku wena. Ha zweleli ku mukutazi. Ataha ku wena ka sinulo, ka tumelo. “Ha ki ka mata, ha ki ka bundume, kono ki ka Moya wa Ka,” kubulela Mulena. “Moya wa Ka, ka sishemo, kona opatuluzi se kuwena.” Mi hakuna se si kona ku izwisa mwateni. Ka tumelo, sinulo! Mi, Davida ka kupaka misebezi ya hae, . . .

¹⁷⁸ Cwale, babañwi ba kubona bali, “Ni ziba kuli ha u twi wena.” Muhulunwa hae ali, “Utile kwanu ku to buha ndwa. Cwale, kutela ko siile lingu.”

¹⁷⁹ Ki hali, “Nibata kuambola ni Saule, muzamaisi.” Mwa bona?

¹⁸⁰ Mi Saule ali, “Cwale mwana ke, Ni ikumbuta kutiya pilu kwa hao, kono, wa bona, wena usali fela mwanaana. Mi yena ki mulwani kuzwa kwa bwanana bwa hae, wena mane ha ukoni kuyema ni yena.”

¹⁸¹ Ki hali, “Ne ni sweli kulisa lingu za ndate, . . .” Ne kuna ni fana litoma! Amen. O muzwale! Mi yena Mulimu yana pilisize moyo wa hao, Apalelwé kufolisa mubili wa hao? Ki nto yesana fela, ku patululwa ku wena, Ki Mufolisi wa hao sina Mwa bezi Mupulusi wa hao. Mwabona? Kono li lukela ku patululwa pili, yeo kona shutano. Nana ni fa kuyendeka tumelo ya hae.

¹⁸² Ali, “Cwale, se sa li kuba si ezahale fateni.”

¹⁸³ Kono ali, “Yena Mulimu yaswana yana ni lamulezi kwa mazoho a tau, uka ni lamulela ni ku Mafilisita ya si ka kena mupato yoo.”

“U ziba cwani, Davida?”

“Na lumela cwalo.”

“Kiñi?”

“Si patuluzwi ku na.” Mi ki hali . . .

¹⁸⁴ Na ziba za na bulela. Kakuli nako ya bulela ngangalume kuli, “Ni ka ku fepa kwa linyunywani”; a li “Ni ka ku puma toho.” Yeo kona shutano, mwabona. Mi a kwanisa!

¹⁸⁵ Samsoni, na swelwi zazi leliñwi (kwande a musebezi) mwa libala, mi Mafilisita baba wani sauzañde ba mutahela. Ki ha talimafafasi, mi fani kona fo ne ku shwezi mule, ki ha nopa sisapo sa kale, mutahali, o omile ñoo, ni ku u sebelisa fa Mafilisita bani, ku ba natisa kwa toho kamutahali wa kale woo wa mule, mi kuya ka mo Ni zibela, hakuna neba liino lene li kumuhile kwateni. Mi cwale likuwani za Mafilisita bani neli inci mwa bukima (kakuli neba natananga ka mifinyani ya litoho za

lisipi mwa mazazi ani), kuli mutu asike a mu nata kwa toho. Kono anga mutahali wa mule ni ku ubumaulisa Mafilisita baba sauzande bani, kono mutahali no si ka lobeha. Atundamena fela kuotela ina *cwalo*, hane ba taha. Kacwalo, babañwi bene basiyezi ba matela mwa macwe, mwabona, neba mu saba. Kiñi? Na li lumezi! Linako zeñwi... Luli.

¹⁸⁶ Ni bata ku mi bulelala nto yeñwi cwale. Mubeleke fa kunjanja koo, nako ya punyuho yeo, sina Joshua mwa na ezelize, inge Maria Magdalena, bani kaufela. Yona nako yeo sika ha si patululwa ku wena, si swale. Kumalela ku sona, yona nako ya punyuho yeo.

¹⁸⁷ Eehe, ne li patuluzwi ku yena. Ayo katanyeza ba wani sauzande bao, Mafilisita. Cwale mu nahana sikamañi fani Mafilisita bani haba bulela kuli, "Cwale, mutualime, hahaha fani, simonolia sani; mwendi butelele bwa hae nebulikana mafutu amane ni licika, ka kukala; ni milili ye sebene inge ilepelela mwa mukokoto wa hae, inge kashimani kaka latiwa hahulu ku mahe, mwabona; ataha cwalo ni mutahali wa mule. Mi amu lu talime, ha ki mpi yetuna ni yeo luli yona! Kana zeo ha ki maswabiswa nji?" Kono ki sikamañi sa na sweli kueza? Nasweli kubonisa kwa Mafilisita bani sene si patuluzwi ku yena ka Mulimu. A pamula mutahali wo ni kunanuha, kakuli sani kona sa Na beile mwa lizoho la hae; Na beile seo mwa lizoho la hae, kona sa na lumela: nakonile kulieza! Mi ka kueza cwalo, na sweli kubonisa kwa Mafilisita bani sana beile Mulimu mwa pilu ya hae kuli aeze.

¹⁸⁸ Joani Mukolobezi na bonahalize tumelo ya hae ka misebezi ya hae, mi hana bulezi kuli "Kuna ni Alimuñwi ya yemi mwahala mina cwale." Munahane fela zeo. Muhalalehi Joani, Nina ni Liñolo leo, Muhalalehi Joani 1:26, mwabona. Ki hali...

¹⁸⁹ Se bali, "U ize, 'Mesia wa taha'?" Kiñi," ki hali, "muuna, ki butata mañi bobuli ku wena? Lubile lu Mu libelezi ka myaha ye likiti zene."

¹⁹⁰ Ki hali, "U yemi mwahala mina cwale." Haleluya! Kona Mwa bezi ni busihu boo! Uh-huh.

¹⁹¹ A bonahalisa tumelo ya hae ka sinulo ya hae, kakuli ne li patuluzwi ku yena kuli...na ziba kuli na ka kolobeza Mesia. Na li muuna, wa myaha ye mashumi amalalu a kupepwa. Na ziba kuli Nana ni kubateni kokuñwi; na si ka ziba kale Yo nali yena, mi kiyani Na yemi fani mwahala bona. Ki hali, "Kuna ni Alimuñwi ya yemi mwahala mina cwale, Yo mu sa zibi, mi ha Ni swaneli neba kutamulula kwele ya likatulo za Hae, kono Uka mi kolobeza ka Moya o Kenile. Mi Utensi mwahala mina cwale." Na li bonisize, tumelo ya hae, kakuli na zibile, mwa lizazi la hae, na lukela kubona ku kolobeza Mesia wa Mulimu. Kacwalo, mwa bona, sicaba ne si bona mubonahalelo wa hae, ka mwa na kutaleza ni mwa na ezeza, na bonisa kuli nanani sinulo ya niti yezwa ku Mulimu.

¹⁹² Cwale, ka kubonisa kuli neli niti, ataha kuzwa mwa sicaba kwataha Mesia; neli fela mutangana wa fela fela yana taha kwani mwahala bona, ya apezi sina mutu. Joani ali, “Amubone, ki yeo Ngunyana ya Mulimu yetakula sibi sa lifasi.”

¹⁹³ “U mu ziba cwani?”

¹⁹⁴ Ki hali, “Ya ni bulelezi kuli, mwa lihalaua, ‘Ku yo uka bona Moya utaha ku Yena, ki Yena yaka kolobeza ka Moya o Kenile.’”

¹⁹⁵ Mwabona, na Mu zibile kakuli neku lukela kuba sisupo ka nako yani. (Kana mwa lemuha Zeo?) Joani na zibile fela kuli hola ifitile, kakuli nali mupolofita. Ne li patuluzwi ku yena, kuli neikaba ka yona nako yani, na ka bona sisupo. Mi ha sa boni sisupo sani, ki hali, “U yemi mwahala mina.” Na zibile kuli Ne li onafani.

¹⁹⁶ Oh, Ni bona sisupo sa kuli nako ya mafelelezo itile. Ni bona lika ze sepisizwe, kwa Liñusa la nako ya mafelelezo ye, ha li ezahala (za tatuluha) ona cwalo fela sina Mañolo mwa bulelezi. Mi Na ziba kuli nako i fa kaufi! Ni bulela cwalo kusina kukatakata. Ni lumela kuli i fa kaufi, kakuli Ni bona lisupo za Na bulezi kuli lika ezahala nako ye isika fita fela kale. Li libelezi kuezahala *cwale*.

¹⁹⁷ Joani na bonahalize tumelo ya hae ku seo Mulimu na patuluzi ku yena. Kabakaleo, misebezi ya hae ki tumelo ye bonahalile. Ha ba kubona ueza sina ya folisizwe, kipeto uka ziba kuli una ni tumelo kuli wakona kufola.

¹⁹⁸ Kanti bupaki bu bulela sikamañi? Bu li: “Ni na ni yona cwale, kakuli Ni amuhezi sepiso ya Mulimu. I sweli kubeleka kuna cwale. Na i lukiseza sibaka kuli iezahale.” Uh-huh. Mwabona, zeo kona misebezi ya bupak- . . . bwa mina ze ieza. Kihande, luli!

¹⁹⁹ Kwanu, nako yeñwi kwa mulaho, bukaufi ni musipili waka mwa Africa; Nenili fela kwani mwa nako ya mbumbi, kono musipili wani usika fita kale. Nekuna ni mbututu yana nani ni mahutu a sikami, mi lihutu leliñwi. . . . lihutu neli lelikuswani kufita leliñwi. Na si ka tina fateni makatulo mwa bupilo bwa hae. Oh, neli buhole bobu maswe maswe. Mi Na lapelela mbututu busihu bwani, neba boni lika zani ha li ezahala, ba lapelela mbututu yani. Mi habusa kakusasana Na ya kwani, naya kwa sintolo sa makatulo kwani. Mi Na ya kwateni, mi nekuna ni muuna yana lekela mbututu yani makatulo akutina. Na lumela cwalo! Uh-huh.

²⁰⁰ Sina muuna yo fa, yana lumela kuli Mulimu na ka mufa mbututu. Luli, na lumela kuli ne lika ezahala, akala ku itukiseza yena. “Ni sweli na itukisa.” Ni hane kusina linepo ze bonahala pili, kono zani ne li si ka eza shutano ni yekana. Na lumezi cwalo, sina Abraham, “abiza sika kaufela se si shutana inge kuli ne si cwalo.” Kifoo!

²⁰¹ Kabakaleo, haiba zibo ya hao i ku bulelela kuli... Oh, ki bo buhazo cwale. Haiba zibo ya hao i kubulelela kuli “Ye kona Niti, Mulimu ki yena Mufolisi wa matuku,” ngana ya hao yakona kupaka kuli “Ye ki yona Niti,” kono haiba hakuna mubu omunde mwa pilu ya hao (tumelo, kuli iwele mwateni) kuli ibonahale, halina kuezahala.

Hakuna hahulu... hakuna taba kamba mutu wa kwande yo ukona kunahana zecwani ka Mañolo, ni kubulela kuli, “ku lukile,” zeo niteni ha liezi shutano.

²⁰² Ki ba bakai ba ba lwalanga matepu? Kana mungile kutazo yaka, ha ki kale hahulu, *Batoziwa Ba Lizazi La Mafelelezo?* Kana mu lumezi cwalo? Mwabona, ne iize, “Ku kaba bo antikreste. Boantikreste baka to puma ni bona baketwa, haiba ku konahala.” Haku konahali, kuli... Kono ha kukohahali, kakuli ha kukonahali; ba ketilwe. Mwabona? Ku lukile.

²⁰³ Kono ki Hali, “Ba batozizwe.” Mwabona, *Kreste* italusa “kutoziwa,” kono ba kwatensi neli balwanisi. Neba tozizwe, kono ili balwanisi, kulwanisa *Kreste* mwa tuto ya bona. Cwale, neba eza lika kaufela zene ba eza babañwi kaufela.

²⁰⁴ Cwale, muhupule, mu mwa likwenda za lika zetalu, kono u mutu alimuñwi. Sina Ndate, Mwana, ni Moya o Kenile, sikwenda sa zetalu, kono ili Mutu alimuñwi. Likalulo zetalu za Mulimu yaswana: bushemi (lifofisi zetalu, sina), bushemi, bwana, ni Moya o Kenile. Mi wena u: mibili, moyo, ni moyo.

²⁰⁵ Cwale, mibili oli kwande una ni minyako ye ketalizoho ku ona, kuli utamahane ni lifasi mubu lee: kubona, kulwaza, kuswala, kununkelela, ni kuutwa. Wa mwahali, ili ona moyo, una ni maikuto a ketalizoho: lizwalo, ni lilato, ni zeñwi cwalo. Kono oli mwahali a wani, ki moyo, una ni fela nto iliñwi. Mwani kona mo upila *wena*.

²⁰⁶ Moya wakona kutaha fande fa ku to kutoza kueza lika lika zeñwi, mi wa lieza, kono zeo ha litalusi kuli u pilisizwe. Munahane fateni. Keyafasi na polofita. Judasi na leleka mioya. Mwabona, ki Moya o no mutoza. Pula ye isuluhelanga ku baba lukile ni baba sika luka, bucwani bwakona kunya kalala hamoho ni buloto. Kono ki seo buli sona fahali luli. Mwani kona mo mukona ku... ba ngana bakona ku li amuhela, ni kubulela kuli, “Oh, luli, zeo libonahala hande. Na lumela cwalo.” Zeo niteni ha li ezi sesiñwi. Batili, sha. Mi moyo wakona kupaka hande cwalo, kono niteñi ha ki cona. Kakuli haiba moyo wani ha uzweleli ku Mulimu, wakona kuba ni malikanyiso kaufela kwande kwanu, kono halikoni kuba za niti. Wakona kulikanyisa foliso, wakona kueza inge kuli una ni yona. Wakona kueza inge kuli u i amuhezi. Bakreste bakona kueza inge Bakreste, ni keuza ni kuba inge kuli ki babande luli ku zeo, kono zeo ha li talusi kuli ba pilisizwe. Yeo luli kona niti, mwabona. Moya wakona kubateni, wa luli, Moya wa niti luli. Moya o Kenile wakona ku kutoza, zeo nicwalo

ha si talusi kuli u pilisizwe. Ki moyo wa mahali wani o si ke wa shwa, kona ona ni Bupilo Bobusafeli. Ona kamita neli Bupilo Bobusafeli. Mwabona? U zwelezi ku Mulimu, u kutela ku Mulimu, ki moyo.

²⁰⁷ Cwale, mulemuhe kuli, una ni kuba cwalo. Ketalizoho, t-u-m-e-l-o, kwande; moyo, J-e-s-u; mwahali, w-e-n-a. Mwabona? Kona ka kuyema fa, inge ni mi talimela, Hakuna yeni ziba mwahala mina. Moya wakona ku ni toza, niteni Ha ni zibi alimuñwi wa mina. Kono cwale yani wa mwahali haliteni, yoo ki Mulimu.

²⁰⁸ Foo kona za kwande folikona kunahanisisa. Munge mutu, muli, "Kihande, mwa ziba, Na—Na ziba kukli Ha ni lukeli kueza boozwa. Kono, mwa ziba, kona kuli u ni bulelela kuli Ha ni lukeli kueza boozwa. Kono, mwa bona, mwahali mwatasi mwani ku sa na ni nto yani mwateni." Mwabona, lisweli kubusa ni za kwande, mi kuhande u li tokomele.

²⁰⁹ Kono ha li zamaiswa kuzwelela mwahali, lika nepela lika kaufela hamoho. Sani kona se si zamaisa lika. Yani kona tawala ye zamaisa lika, ki mwahali wa ze mwahali. Moyo u zamaisa moyo, moyo u zamaisa mubili.

²¹⁰ Kona kuli buikangabeki bwa kwande habuezi shutano ni yekana. Batu ba bulapeli baikale bani, bana biza Paulusi kuli "mamota a masweu," ni zeñwi cwalo, nebali cwalo, kwande, ki nzila kaufela ya—ya mulumeli, mi nebana ni bupolofita mwahala bona, ni lika zeñwi kaufela kono za *mwahali aze mwahali* ("ili moyo o sa lumeli").

²¹¹ Kona ha Ni bulela kuli batu bakona kutulaka tulaka, ni kubulela ka malimi, batu bakona kuhuwa, kubeya mazoho fa bakuli, ni kufolisa bakuli ni zeñwi kaufela, ka tumelo; lika zetuna ze kaufela mwani ka Moya, ba sa latehile. Ba tozizwe.

²¹² Mulemuhe, Jesu hana ize, "Lumela feela, kaufela zakonahala ku baba lumela." Tumelo ni misebezi ki muuna ni musala hae, libeleka hamoho. Muuna ya nyezi usebeza ni musala hae, mufumahali ubeleka ni muuna hae; ba itibahaza.

²¹³ Sina muuna ya bulela kuli u "nyezi" kono hakoni kutahisa ni kubonisa kuli una ni mufumahali, mu kakanye buipuleli bwa hae. Um-hum. Muunna naize, "Ni nyezi."

"U kai musala hao?"

"Oh, oh, Hani—Hani zibi za *zeo*." Mwabona? Mwabona? Neli tata nyana kuli ni mu kolwe.

Ha nili, "U kai musala hao?"

"Kihande, Ha ni zibi." Ha—Ha nina ku li utwa *zeo*.

²¹⁴ Kacwalo, mwa bona, haiba una ni zo bulela kuli unani, "Nina ni tumelo," uka ni bonisa cwani kuli una ni tumelo? Ka misebezi ya hao. Mwabona?

“Ni nyezi.”

“Cwale Ni ka ziba cwani kuli u nyezi?”

“Ki yo fa musala ka.” Mwabona? Ki fo he cwale.

“Ni nyezwi, ba kona bo muuna ka.”

“Ni folile.”

“Mu ziba cwani?”

²¹⁵ “Misebezi yaka ibonisa tumelo yaka.” Mwabona? Mwabona? Cwale, lika—lika ze mubulela: tumelo kona ya bona Mulimu ku wena, misebezi ya hao kona yeboniwa ki batu babañwi ku wena.

²¹⁶ Yeo kona shutano mwahala Jakobo ni Paulusi fa, haba tatulula za Abrahama. Ne ba sa kananisani, bubeli bwa bona kaufela ne ba swana; ne ba yezi.

²¹⁷ Kona mo inezi ni tumelo yesina misebezi, mutu kaufela una ni tukelo ya ku kakanya bupaki bwa hao. Cwale, mwa utwa kana? lusika kalisa kale mukoloko wa litapelo. Haiba tumelo ya hao ha i bonisi misebezi ka yona, haukoni ku hapeleza mutu alumele kuli ufophile. Kuli, “Kihande, Ha ni zibi.” Mwabona? “Kiñi, eehe, luli, Nina ni tumelo kaufela mwa lifasi.” Ha una yona. Kakuli, haiba u cwalo una ni tumelo, konakuli misebezi i ka nyalwa kwa tumelo. Ki muuna ni musala hae, alimuñwi—alimuñwi u bonahalisa yomuñwi.

²¹⁸ Ha lu nahaneñi ka Abrahama fa mizuzu yelikani fela. Abrahama na amuhezi tamahano yekenile yani ka kutala, mwabona, a amuhela taba kaufela hamoho. Abiza lika, ka kushutana ni tumelo ya hae, inge kuli ne li si yo; ni kueza ka mulao o swana. Na kona kuakaleza, mwendi kasamulaho wa myaha ye mashumi amabeli, yomuñwi ataha mi ali, “Ndatahe macaba? Uh! Abrahama, u bulezi kuli libizo la hao ki wena ‘Abrahama,’ ili kutalusa kuli *ndatahe macaba*. Una ni bana babakai cwale, Abrahama?” Mwabona?

²¹⁹ Zeo ne li si ka mu sitatalisa ni hanyinyani. Bibele iize kuli, “Ha si ka bilaela ka Linzwi la Mulimu ka ku sa lumela.” Azwelapili mi a i tukisa, kulukisa tukatulo kaufela ni zetokwahala zeñwi kaufela, na “ka ba ni mbututu.” Ku felile.

²²⁰ Neba Sarah naize, “Wa ziba ze ka ezhahala? Ukaba ni mbututu, kono Na ku bulelela mo lu ka ezeza. Hagare cwale ki mubeleki waka, Ni ka kufa yena.” Kakuli, libali ne li lumelezwa mwa mazazi ani. “Mi ukaba ni mbututu, mi Na ni kanga mbututu yoo.” Kono Abraham na si ka lumela zeo. Batili, na si ke a lieza zeo. Kono Sarah na susumelizwe kueza ona cwalo.

²²¹ Kacwalo, Mulimu abulelela Abrahama, “Zwelapili u mu utwe,” kono Ki hali, “kono niteñi hakizonza ze ne Ni ku sepize. Ha ki cona mo ne Ni sepiselize.”

²²² Cwale mutualime, abiza sika kaufela “kushutana,” mi mubili wa hae no so shwele kale, ni mba ya Sarah ka mukwa o swana.

Cwale, na lii muuna muhulu, wa myaha ye mwanda ya kupepwa. Sarah nana ni myaha ye nainte ya kupepwa. Cwale mulemuhe! Kushwa kwa mba ya Sarah kamba kushwa kwa mubili wa hae ne li si ka mu bilaeza.

²²³ Muteeleze ku se.

Kakuli sepiso, ya kuyola sanda sa lifasi, ha i fiwa Abrahama, kamba baikulu ba baikulu ba hae, ne si ka mulao, kono ki ka kuluka ko kuizi mwa tumelo.

Kakuli kabe neli ka mulao... kabe sanda si fiwa ka mulao, kabe tumelo haina tuso, ni sepiso kabe i... felisizwe:

Kakuli mulao utahisa buhali: kanti fokusina mulao, ha ku konahali kutula mulao.

²²⁴ Amuteeleze ku se, cwale.

Yena nihane kusina sepo...

“Nekusina sepo,” sepo kaufela ne se ifelile! Oh, nako kaufela ha Ni kala kuutwa “bulutu,” ki ye kauhanyo ye Ni apulanga, Maroma 4, mwabona.

(Sina ha ku ñozwi kuli, Ni ku ezize...ndatahe macaba,) fapila yoo na lumela ku yena, yeli Mulimu, yena yampilisa baba shwile, mi abiza lika ze siyo inge ki ze liteni. (“Mulimu na bulezi cwalo!” Mwabona?)

Ya lumezi mwa sepo ni ha ne kusina sepo, mi aba cwalo ndatahe macaba...amañata; sina ha ne kubulezwi kuli, Lusika lwa hao ki fo lu ka kuma.

²²⁵ Cwale muteeleze, timana ya 19.

Mi kakuli na sa fokoli mwa tumelo, ha si ka talima kuli mubili wa hae no so shwile, myaha ya hae haine bata kueza mwanda, ni kuli... Sarah na sa fulile:

Ha si ka bilaela ka sepiso ya Mulimu ka ku sa lumela; kono aitiisa mwa tumelo...inza lumbeka Mulimu;

²²⁶ Fa myaha ye mwanda ya kupepwa? Amatalime, mubili wa hae cwale no so shwile (buuna bwa hae), mi mba ya Sarah ne se ifulile. Ki... Mane ne le si ka tokomelwa, ha li patululwa ku yena. Mumbeta wani ha u talimiwi. U omelezi luñañali, kamba kaufela soli sona, zeo halina butokwa. Sipula sa mawili sa wiucheya ha si talimwi, ku mushimani yomunyinyani. Wakona kuba ya omelezi luñañali, kaufela zeo lili zona (Ha ni zibi), zeo ha li talimwi mane. Mane ha li na butokwa.

²²⁷ “Kono dokota uize, ‘Haana kunanuha foo.’ Dokota nai ze, ‘Haana ku aha.’” Zeo mane ha li talimwi.

²²⁸ “Kihande, talima, se Ni li musupali cwale, se Ni ya ni supala licika.” Mane zeo ha li na butokwa.

²²⁹ Mi luna lu bana ba Abrahama (Haleluya!), isiñi sina Isaka mwa na bezi, kono Peu ya hae ya Silena (ka Jesu Kreste) ka tumelo ya na nani, Peu ya Abrahama itaha mwa mazazi a maungulo ku to benya sina linaleli. Bana ba Abrahama! “Ha si ka tokomela mubili wa hae kuba o shwile.” Mane na si ka li tokomela! Mane ne li si ka ba puzo haiba Mulimu na ka eza cwalo kamba nee, Mulimu na bulezi kuli Uka li eza! Kiñi? Ne li patuluzwi ku yena. Kana ku cwalo?

²³⁰ Haiba li patuluzwi ku wena, haiba kaniti...sesiñwi.... Haukoni kueza kuli li ezahale, sina ni ku patululwa ku wena. Konakuli mane hauna neba kutokomela sika: mo si bezi se sitata, hauna kutokomela sa bulezi dokota, hauna kutokomela se ba bulezi bona, se ba bulezi bondate, sa bulezi mukutazi, sa bulezi mutu usili kaufela. Uka tokomela fela sa bulezi Mulimu!

²³¹ “Ha si ka tokomela mubili wa hae kuli no so shwile, neba mba ya Sarah kuli ne se fulile.” Mane ne li si ka mu bilaela. Oh, mawi, zeo za ni njanjisa. Mubili o shwile, kamba neba Sarah, mba, mane ne li si ka tokomelwa.

²³² Hakuna likezahalo ze ka tokomelwa haiba tumelo ifumana mubu wa kumela kuona! Mi cwale kokwani ya bupilo yezwa ku muuna haifumana li—li lii ku musali, mi bubeli bwa bona bana ni mununo, kuna ni se sika ezahala. Haleluya! Dokota wakona kubulela kuli, “Hauna kuba ni mbututu. Na kona kubonisa kuli ma—ma mali a bupilo bwa hao ashwile mwa mubili, mi mai ahae haana kufumana mununo.” Kono mutuhele fela lii lelina ni mununo lani, mutuhele kokwani yani iminyukele kwa lii lani nako yeñwi, mutualime se si ka ezahala; mushimani nyana yani kamba musizana nyana yani uka pepwa. Kiñi? Tumelo ifumani mubu mo ikona kumela. Misebezi ikala kusebeza, selu fahalimwa selu, mi haliyoli taa mbumbu ka la pepwa. Amen. Mulimu, ulu utwele makeke. O Mulimu, haiba neluli Bakreste ba ba buhali sina mo lu lukela kubela; haiba lu baana ni basali babakona kunga Mulimu ka Linzwi la Hae! Haukoni ku li eza konji ha li patuluzwi ku wena.

Ni lukela kuakufa.

²³³ Mulemuhe, tumelo yekenile ya Mulimu ne itamahani ni misebezi ya mupolofita wa Hae. Muhupule, tumelo ye kenile ya Mulimu ne i patuluzwi ku Abrahama. Na i filwe, mi ona kwani akala ka misebezi ya hae yekenile, ka kulumela. Peu ya sepiso neina ni sibakamoilukela kuhulela. Kucwani haiba na ka li (Abrahama) “Kihande, wa ziba, Sarah, nihakuli cwalo, seli myaha ye twenti-faifi kuzwelela Mulimu ha lufa sepiso yeo”? Uh-oh! “Haiba sika ne si ka ezahala,” mwabona. Kono neiske. Mulimu na zibile kuli ha li konahali.

²³⁴ Kucwani haiba mwalanjo Maria na kali, “Kihande, cwale, libelela fa muzuzu! Mwa—mwa mwalanjo kuitwala? Kihande, ba ka ni leleka mwa keleke haiba Ni ka bulela litaba zeo”? Cwale, na

ka hupula maikuto ao kambe nekusina mubu omunde wa kucala kuona wani.

²³⁵ Fani mupolofita yani hanaize, “Mwalanjo uka itwala,” ao neli ona mafelelezo. Mwabona?

²³⁶ “Lisupo ze li ka ba latelela ba balumela.” Haiba mubu fo ilukela kumela uteni foo nako ye li taha Linzwi mwateni, I ka swala hande. Hakuna se si kona ku I paleliswa.

²³⁷ Cwale, kapili, hanze lufeza. Mwabona, Peu neina ni sibaka mwa kuipata. Mulimu na li ziba, kamba Na si ke afa sepiso ku Abrahama. Cwale, muteeleze hande cwale. Mulimu na ziba ko ne ikaya sepiso yani; Mane na si ka biza Abrahama kufitela aba ni myaha ye sebente-faifi ya kupepwa, kono yena nali mutanga wa Hae ya lemuhilwe kale haisa kwa makalelo, ni Sarah ki mwa na inezi.

²³⁸ Mulemuhe, muhupule, nasina Bibebe ya kubala. Nasina yona ka bunolo sina luna mwa lizazi la kacenu, ka kubala Linzwi la Hae ni kubona babañwi baba Li lwezi. Muhupule, nana ni Lona fela ka sinulo, mi yeo kona nto yaluli. Ki nto yeswana ni mo ne kuinezi ku Josefa, mwa Genese, nekusina Bibebe. Muhupule, Mushe na ñozi Genese, Exoda, Levitike, ni Deuteronomia. Hakuna ni yomuñwi wa batu bani kwani bene bana ni Bibebe ya kubala ku yona konji kasamulaho wa Mushe. Kana ku cwalo? Nebasina Bibebe ye lunani, ya kulutusa mwa buino bwa buhole. Nebali baana baba pazauhile bao...ne li patuluzwi ku bona ka Mulimu, mi ba yema ona cwalo. Hakuna ze ne ba zikinyisa. Cwale, kana munahana kuli lu sa kona kuba ni tumelo yebuhali? Haiba I patuluzwi ku wena!

²³⁹ Mu swalele mubulelelo woo, kamba bupaki ka nako ye, lu si ka kwala fela. Na hupula zeo kwanu mwa “Twin City,” Ni sepa Muzwale Brown ni babañwi nebali ni na; mi Ne ni nga bupilo bwa Josefa, mwa Bibebe. Mi Na bala Bibebe yani, nekuna ni muuna yana sina sa ku munyaza! Abrahama, Isaka, Jakobo, ni bona kaufela, nebana ni ze ne ba nyazahala ka zona, kono isiñi Josefa. Ki muuna ya cwani, muna ya petehile, mufuta o petehile wa Kreste!

²⁴⁰ Mi ha Ni bala zeo, Ni kala fela kulila, zazi leliñwi mwa sibaka nyana sa hotela yaka. Mi Na kena mwa muzuzu mo ne Ni beile liapalo fa muhala, na hoha likwalo hamoho, mi Na li, “Mulimu, Ni bata kuitumela ku Wena ka muuna yacwale ka Josefa, muuna yakile apila nako yeñwi mwa lifasi mu—mu muuna mwa nama sina mo Ni inezi, muuna yana Ku lumela ni kunga Linzwi la Hao.” Na toilwe ki bahulwani ba hae. Na sina mukwa wa kuikambusa ku za moyo. Na bona lipono. Na ziba kutoloka litolo. Kaufela bona ne ba mu toile ka zona. Na sa itobohi zona, kona fela mwa nainezi.

²⁴¹ Mwabona, nelisiyo ku babañwi. Ne ba lukela ku mulata, kono kufuta kuli...Ha na ba bulelela, linako zeñwi lika ze ba

filikanya, "Oh," ba li, "ki yo muloli wa taha." Mwabona? Mi ba mutoya kusina mulatu.

²⁴² Se nili, "Kiñi ha ne ba eza cwalo?" Mi kanti muuna yani na sa ñali, nainelezi ona fani. Mwabona? Se nili, "Ni itumezi ku Wena, Mulena. O Mulimu, ni itumezi ku Wena ka muuna ya cwalo."

²⁴³ Mi ona fani Moya o Kenile wa patulula ku na, wali, "Ukaba ni mwana wa mushimani, mi uka mubeya libizo la 'Joseph.'" Na nanuha fani ni kulumba Mulena.

²⁴⁴ Becky, uizi kwa mulaho kwani, kona hana sa pepilwe fela mwendi...nana ni fela mwaha cwalo. Na pepilwe ka kupazuliwa, zeo liteni hahulu mwa lubasi lwa musala ka za kupazuliwa; kakuli ha ba bapulangigi sina musali mwa lukela kuezeza, masapo atiile hahulu inge a muuna, mi nana ni ku pazulwa kuzwa ku mahe. Mi dokota ani bulelala, ki hali, "Muzwale Branham, usike waba hape ni mwana yomuñwi ka musali yoo." Ali, "Mba ya hae ki yesisan inge baluni." Ki hali, "Kihande u ni lumeleze nitame mipila ya hae."

²⁴⁵ Se nili, "Awa, Ha ni lumeli...usike wa nahana ze cwlao, 'Doc.'"

²⁴⁶ Ki hali, "Kihande, uka—uka—uka...Hana kuba ni mwana yomuñwi fateni." Ali, "U ka mu sinya," ali, "u ka shwa." Ali, "Lubile ni nako yetata mwahali mwani," ali, "wena fela...ha si ka kona fela."

²⁴⁷ Mi cwale Mulena a ni bulelala kuli Ne ni ka "ba ni mwana wa mushimani" mi libizo abizwe "Joseph." Ne ni si ka saba ka zona. Kaufela, buñata bwa mina, mwa hupula.

²⁴⁸ Na zwelapili, inge ni anaunsanga, "Ni ka ba ni mbututu; libizo la hae ukaba Joseph." Ki ba bakai baba hupula cwalo? Luli! Kaufela mina, mwa naha kaufela, kai ni kai, hane ni bulelala sicaba, "Lukaba ni mbututu; libizo la hae ukaba Joseph."

²⁴⁹ Ka kuswana fela sina mushimani yani ya na zuselizwe, mwa Finland, kwa bafu. Muzwale Jack naliteni kwani ha li ezahala. Ne ni ku bulelezi, lilimo zepeli kamba zetalu li si ka ezahala kale, "Ku kaba mushimani yomunyinyani," mwa ka tinela, fa ka lobala. "Mulimu na bulezi cwalo!"

²⁵⁰ "Li kaba cwani?"

²⁵¹ "Ha ni zibi! Kono ne li patuluzwi ku na kuli li ka ezahala!"

²⁵² Ne li patuluzwi ku na, "Ne ni kaya kwa Arizona, mi kwani Ne ni ka yo kopana ni Mangeloi a sebene. Mi ne aka ni bulelala, kuli, oh, Liñusa lene Ni ka kutaza." Mi ani neli Maswayo Asupa. A ezahala! Ki ba bakai baba hupula ha ni bulela cwalo? Matepu ni lika zeñwi ne li rekodile cwalo. Mi sa ezahala! Mitende, lika zeñwi kaufela, za swanisa siswaniso sa Yona. Liseli lani mwa mbyumbyulu mwani, mane habakoni neba ku Li utwisisa ni kacenu. Ki lani laba teni.

²⁵³ Na hupula ha ni biza Muzwale Jack ni ku mu buza ka zona, Kreste inza yemi fani, mi Muzwale Jack ali, “Mwani ki mwa buino bwa Hae bwa kanya.” Mwabona? Na lata Muzwale Jack. Ki alimuñwi wa baituti babande hahulu be Ni kona kunahana ka bona, kono Ne ni sa koni fela kuutwisisa hande.

²⁵⁴ Ne ni yemi fani, Na li, “Mulena, kukonahala cwani kuli Mucaha yoo fa,” Se nili, “abe ni milili yesweu twaa sina litwa?”

²⁵⁵ Mi ki Hali, “Una ni kuwani kwa toho.” Mutualime ma buka, li si ka ezahala kale, Ne ni bulezi cwalo. Mi zazi lani ha si ezahala, Sa ya mwahalimu. Mi kipeto mufetule siswaniso seo neku leliñwi, haiba muna ni mutende waba *Look Magazine* kamba *Life Magazine*, mu sifetulele neku leliñwi. Ki Yani fani, ka kupetahala fela, *Toho ya Kreste* ya Hofmann, inza talimafafasi fo ne Ni yemi; ki Sani mwa mutende! Ki ba bakai baba Siboni fateni? Kakuli, kaufela mu si boni. Fani, utalima kwa mulaho, kupaka kuli sinulo luli ne i lukile.

²⁵⁶ Kiñi haaba ni kuwani ya milili? Kiñi, baatuli ba kale ba ma English, baatuli ba Majuda, neba tinanga ku—ku—ku kuwani ya milili, ba sa eza cwalo ni mwa England; haiba umwa... ani ki mata amatuna ni kufita, wa tina milili kwa toho. Mi seo sa Mu bonisa inza yemi fani, a apesizwe ka mafufa a Mangeloi, ki Yena Alfa ni Omega. Ki yena Muatuli Yomutuna ni kufita, mi hakuna usili kwanda Hae. U talimwa sina Alfa ni Omega. Mi fani Nali fela Mucaha wa mutanga fela, batili, kamba kufita, myaha ye mashumi amalalu ya kupepwa, abe ni milili ya limbi twaa. Ka kubonisa kuli Ki ya Pahami, Mulimu, “Ndate ubeile katulo *kaufela* mwa mazoho a Mwana.” Halelula! Sinulo haina mafosisa! I bulele kube cwani ni cwani, hakuna taba ka mo i u twahalela, izamaelela hande ni Linzwi.

Mi Na hupula, myaha yemine kasamulaho, musala ka . . .

²⁵⁷ Ne lu ziba kuli lukabani mbututu. Mañi mañi ali, “Kana yo ki Joseph ya taha?”

²⁵⁸ Se nili, “Ni sepa ki yena, Ha ni zibi, kono Ni kaba ni Joseph.”

²⁵⁹ Mi ha to pepwa, neli Sarah. Mi muuna cwana ani biza, ni ku ni seha nza ni talimile, a li, “Kuli, wa ziba kana? No talusa Josephine!” (Muuna yani ashwa. Muuna yani ashwa.)

²⁶⁰ Se nili, “Muñaka, Se nili, ‘Mulimu na ni bulelezi kuli “Ni kaba ni mushimani” mi Ni mu “beye libizo la ‘Joseph’”!’”

²⁶¹ Nekuna ni batu babalalu bene ba zwile mwa keleke ya kopano ni kutaha kwa keleke yaluna, mi ba ni utwa ha ni bulela cwalo. Fani Sarah hapepwa, se bali, “Huh! Ki mupolofita wa buhata.”

²⁶² Se nili, “Amubelele fa muzuzu, likalibe, Ha ni si ka bulela *nako*, niyena Mulimu na si ka ni bulelela *nako*. U ni bulelezi kuli, uka ‘ka ba ni . . .’ Na ka ba ni ku . . . Na bulelezi Abraham, kuli ne ‘ba kaba ni Isaka,’ kono Ishimaele apepwa mwahala nako

yani, kono ne li si ka Li zwafisa.” A li, “Mulimu ubulezi kuli Ni kaba ni mushimani yoo mi u ka mubeya libizo la ‘Joseph.’”

²⁶³ Dokota naize, ha yo taha, ki hali, “Reverendi, Ni ka tama fela mipila yani cwale.” Ali, “Ni . . .”

²⁶⁴ Se nili, “U si ke wa eza cwalo!” Se nili . . .

²⁶⁵ Ki hali, “Kihande, wakona kunyala hape mi ukaba ni mushimani yoo.”

²⁶⁶ Se nili, “Ni kaba ni yena ka musali yena yoo! Mulimu ubulezi ona cwalo!” Ne ni si ka libala mwa Bibele kono ne li ñozwi mwa pilu yaka ka sinulo, ka tumelo; Mulimu nabulezi cwalo! Ne ni sa lati kubilaela fa sepiso ya Mulimu ka ku sa lumela.

Babañwi ba bona nebali, “No talusa ‘Josephine.’”

Se nili, “Ni talusa ‘Joseph.’”

Dokota ali, “Hakoni kuba ni mbututu yomuñwi.”

Se nili, “Ukaba ni mbututu yomuñwi.”

²⁶⁷ Myaha yemine ya fita, kwa mafelelezo nakaba me hape.

²⁶⁸ Mi musali, (sipolofita sa buhata sa lumelezwa mwa naha kaufela) añola manzwi, ali, “Cwale Meda u ka shwa, ka yona nako yee, kakuli Ne ni lomezwi kuli ni etelele Bill.” Mi a bulela kuli “Na si ka ni utwa kakuli Ni musali, mi cwale Mulimu uka mu amuha neba ka kubulaya musala hae cwale.”

²⁶⁹ Se nili, “Mulimu u lumile Jesu Kreste ku ni zamaisa.” Mwabona? Mi se Nili, “Ni zamaiswa ka Moya.”

²⁷⁰ Meda yomunyinyani ya ziyelehole. Neluna ni nesi ya na folisizwe kwani mwa mikopano yani, kaufela mwa muziba Musala. Morgan, mi ki alimuñwi wa ma nesi ba Mayo, taba yemaswe luli yani . . . kihande, u mwa lipiho, “ushwile,” seli myaha ye mashumi amabeli kwa mulaho, kwa kansa, “sarcomas kansa,” mwa Louisville, liteni mwa lipiho za ba sipatela sa Baptist. U beleka bu nesi mwa—mwa Jeffersonville, mwa sipatela cwale. Ubile teni ka myaha ye kaufela, kakuli Mulimu naize “Uka pila.”

²⁷¹ Mi, kacwalo, Meda na mu lata, mi ki hali, “Ni bata kuli Margie atahen ni na, Bill, Ha ni i kutwi kubata kuta kwa sipatela.”

²⁷² Se nili, “Usike waeza . . . Lwa mulata Margie, kono Margie ha ki yena Mulimu waluna, Margie ki kezela luna.” Mi se Ni funduka kuya kwa Green’s Mill. Na sa ni katalize maswe. Kakuli, Na mu lata. Mi Na ya kwa Green’s Mill.

²⁷³ Mi ki hali, “Bill, kana unahana kuli Ni ka shwa?”

²⁷⁴ Mi se nili, “Ha ni zibi, kono mbututu uka pepwa, nihakuli cwalo. Ukaba ni yena Joseph.”

²⁷⁵ Ki hali, “Kana yoo cwale ki yena?”

²⁷⁶ Na li, “Ha ni zibi, Mulatiwa. Ha nikoni kubulela, kono Mulimu uize ‘ukaba ni Joseph,’ mi lu kaba ni Joseph. Hanina

taba kamba zeñwi libulela cwani, lu kaba ni Joseph. Kakuli, yena Mulimu yaswana ya ni bulelelanga lisinulo ze kaufela, ki yena ya ni bulelezi ni *zeo*, Ha sika palelwa kale ku zeñwi mi Haana kupalelwa ku yeo.”

²⁷⁷ Na funduka, kuliba kwa sikayo, ku yo lapela. Mi Na kalisa fani. Kwa yema Liseli lani mwahala likota zepeli, lali, “Kuteza kwa, kafoo, kwa Buka.” Na kutela kwa—kwa Bibebe, mi hane i, ne inzi mwa mota, mi haneli cwalo, moya no i apuzi fo ne kuinzi Natani, ni Davida, yali, “Zayama ubulelele mutanga Ka Davida, kuli Ni mu zusize kwa kulatelela lingu, kwa kulisa lingu za ndatahe zani, mi Ni mu file libizo lelituna sina baana babatuna.” (Isiñi kaufela ba—ba libizo lelituna, kono *inge* fela baana babatuna; na si ka mueza kuba Billy Graham, kono a... mufa libizo, mwa ziba.) Ali, “Ni ezize seo, kono,” ali, “Ha ni koni ku mu lumeleza kuyaha tempele, kono mwana hae...”

²⁷⁸ Mi ona fani fela Imano bulela kuli, “mwana Hae,” oh, mawi, ki yani fani.

²⁷⁹ Se nili, “Joseph?” Yeo ki niti.

²⁸⁰ Ona mwandu mwani Na kena. Mi ona fani, mushimani yani, yomutuna, na konil-... (mushimani yomukima) mane na palelwa kuzamaya, mwa simu mwani. Na mata, na mu kumbatela, mi Na li, “Mulatiwa! Joseph wa taha. Joseph u mwa nzila.”

²⁸¹ Mañi kaufela wa ziba, za kupazuliwa, haukonи kutuhela mwaha kuli awe. Busihu bwani mbututu awa, mezi a panca, lika zeñwi kaufela.

²⁸² Habusa, ka sebene kiloko, lwa ya kwa sipatela, mi dokota ali, “Oh, sishemo, bunde.”

²⁸³ Na mu tubeta muzamaye-foo, nali, “Mulatiwa, hakuna kuliheya, Joseph ukabe afitile.” Fa mapahamelo fani aya, ona cwalo, kwa tafule ya kupazulelwa.

²⁸⁴ Mizuzu nyana yelikani, nesi atuluka, ali, “Rev. Branham?”

²⁸⁵ Se nili, “Eeni, ima.”

²⁸⁶ Ki hali, “Una ni mwana yomunde, yatiile, ma aunsi amalalu kwa bukiti.”

²⁸⁷ Se nili, “Joseph, mushimani, utamboke.” Eeni, sha! Kiñi? Kiñi? Ki sikamañi seo? Ne si si ka ñolwa mwa Bibebe kuli si ka ezahala, kono yena Mulimu yaswana wa Bibebe yana li patuluzi ku Abrahama, nelusika bilaezwa ki kushwa kwa mba ya hae, ze ne sa konahali kuba cwalo. Musike mwa bilaelanga fa sepiso ya Mulimu ka ku sa lumela, kono mufange tumbo ku Mulimu, muzibe kuli li ka ezahala! Hanina taba kamba ubulela sikamañi dokota, lika zeñwi kaufela li ka taha ka nzila yeñwi, kono usike wa lumela cwalo, ki buhata bwa diabulosi. Eeni, sha, kiniti. Tumelo ya izamaeleta, hamoho ni misebezi, kuli ibupe sepiso. (Halu akufeni.)

²⁸⁸ Ona cwalo fela, ibulezi fa kuli, “Rahaba lihule,” Jakobo naize, “u beilwe ya lukile ka misebezi.” Kono kiñi? Tumelo ya hae!

²⁸⁹ Na ize, “Ni utwa kuli Mulimu uka ni wena.” Na sa lati kubona Joshua inza tina milili ya hae, kamba mwa na tinela liapalo za hae. Musali ali, “Ni utwisisa kuli Mulimu una ni wena.” Kona ze ne li butokwa, na itukisize.

²⁹⁰ Ka pono fela yaniti kacenu, (Na kwala fa nako nyana fela) lipono zezwa ku Mulimu kacenu, ki Linzwi la sepiso la kacenu. Ali, “Lipono ze, Muzwale Branham, uwvisa kai zeo?” Sicaba sa sitatala ka zona. Hanili Likezo 2:17, iize, “Ku kaezahala mwa mazazi a maungulo kuli mitangana ika bona lipono, baana bahulu ba mina balole litolo”? Kana ha ku cwalo? Kona se i bulezi Bibebe.

²⁹¹ Ku lukile, cwale haiba zeo li cwalo, hape latalime Malaki, kauhanyo ya 4, mi lufumane haiba seo ha si si ka sepiswa kacenu. Ukona cwani kuba ni tumelo ku Lona? Bibebe i bulezi ona cwalo!

²⁹² Cwale munge Luka 17:30 ni ku i bala. Jesu naize, “Ona mo nekuinezi mwa mazazi a Sodoma, ki mo kuka bela ha taha Mwana mutu.” Inge fela mo ne kuinezi mwa Sodoma. Cwale, mutualime fa siyemo sa lifasi kacenu: Masodoma. Mutualime Billy Graham ni Oral Roberts, lipaki zepeli zani, kulo kwani hane bapakela kwa likopano za likeleke. Alimuñwi kwa ma Methodist, Baptist, ni Presbyterian; yomuñwi kwa Mapentekota. Yo yena, *yani* kwani, mi *yomuñwi* ni yena.

²⁹³ Kono muhupule, Abrahama nasiyo mwa Sodoma, na sa zwile kale. Mi nekuna ni Alimuñwi yana ambola ni yena! Mi Yana ambola ni yena, a *mubonisa* sisupo. Ni mukokoto wa Hae ufulalezi kwateren, Ki hali Sarah u kaba ni mbututu ya na libelezi yoo. Amen. Mukokoto wa Hae inge ufulalezi kwateren. Mi ki ha Libiza kuli, “Mulimu, Elohim.”

²⁹⁴ Cwale, zeo litisa lika ku ezahala kacenu, kakuli luna ni tumelo. Mi Na ziba ze ki za Mulimu, ki kuli le ni Mañolo amañwi asupeza kwa hola yee. Sinulo 10 ibulela kuli “mwa hola yeo Liñusa la lingeloi la busebene, ha likala kupatalaza Liñusa la lona,” isiñi mwa sebelezo ya foliso, kono ki Liñusa leli latelela sebelezo ya foliso.

²⁹⁵ Jesu nailo kutaza. Ki hali, “Na folisa bakuli, ni lika kaufela. Oh, Rabbi wa mwanana, Mupolofita, Ki Mulikani yomutuna. Lwa Mu bata mwa keleke yaluna.”

²⁹⁶ Kono zazi leliñwi Ayema, ali, “Na ni Ndate lunto Iliñwi.” Oh, mawi. Ne ba sa Mulati nako yani cwale. Eehe. Oh!

²⁹⁷ “Kwanda kuli muce nama ya Mwana mutu, ni kunwa Mali a Hae!” Na si ka Li toloka. Naize, “Kwanda kuli muce nama ya Mwana mutu, ni kunwa mali a Hae, hamuna Bupilo ku mina.”

²⁹⁸ Kiñi, Na akaleza, madokota babañwi ni manesi bali, “Mutangana yo ki muca batu, ulika ku lu hapeleza kunwa mali a hae.” Mwabona, Ne ba si ka Li utwisisa. Na zibile cwalo.

²⁹⁹ Kono haili balutiwa bani, hakulata ne ba si ka li toloka, kono baina fani ku Li lumela nihakuli cwalo, amen, kakuli Ne li patuluzwi ku bona. Eeni, sha. Ne ba Li zibile, Mañolo na Li tolokile.

³⁰⁰ Ne li ka buziwa kuna he ka se, haiba ukona kubulela kuli, “Kiñi hauna ni tumelo ya kulumela lipono zee, kanti—kanti kuna ni malikanyiso amañata hahulu ni zeñwi cwalo?”

³⁰¹ Ni ka bulela nto yeñwi yelikani, yetiile, ka muzuzu fela cwale. Ha ku na ni malikanyiso amañata hahulu cwalo, muhupule, muzwale waka, li bulezwi mane kuli lina ni kuba fa ka nako yeswana yee. Yeo ki niti, inge fela mo ne libezi mwa linako za Mushe. Mushe nailo eza misebezi ya Mulimu fapila sicaba, mi nekuna ni Jambresi ni Janise bene baliteni kwani. Kono ki mañi wapili yana li ezize? Cwale babañwi ba neli balikanyisi, kakuli neku lukela kuba wa niti pili kuli balikanyise. Kambe neli bona bapili... Uh-huh. Batili, ha lu—halu si ka lateha. Lwa ziba fo luinzi, mwabona, mwabona, ka Mañolo ni ka sinulo ya Mulimu. Kona ha mu sa yemi.

³⁰² “Kiñi, muuna *yoo*, u bonanga lipono ni zeñwi cwalo. U eza sa *kuli*, mi u mata-mata ni musala mutu *yoo*. U lumela mwa—mwa balimu babalalu, ni litaba ze kaufela.” Zeo ha Li bilaezi ni hanyinyani. Mi ki ye nto iliñwi ye ba sa koni ku likanyisa: ki Linzwi! Mulemuhe. Bakona kuba ni lika zee kaufela, bakona kubulela ka malimi, bakona kuhuwa, kubinela mwa Moya, kono niteni isali mioya ye lunya. Uh-huh. Yeo ki niti. Yeo ki niti. Kono Linzwi le kona le li pima lika hande. Mwabona? Yeo ki niti luli. Fa kona fo litaha. Sina Mushe, ni Jambresi...

Mi muhupule, Na ize, “Sina Jambresi ni Janise mo ne ba lwaniselize Mushe, mwa mazazi a maungulo balikanyisi ba baka taha mwa lifasi hape.” Kikuli Na bulezi nji? Kihande, luna ni zona.

³⁰³ Kono zeo ha li si ka bilaeza Mushe. Mi Mushe afetuha ni kueza makazo ka Libizo la Mulena, mi fa kwa yema balikanyisi baa, baeza lika zeswana. Zeo ne li si ka mu paleliswa, kuli, “Kihande, Na sepa kihande Ni itulele mi ni zwe mwa simu.” Na inelezi fela fani. Kwa sikamañi? Ne li patuluzwi ku yena. Haleluya! Na ziba ka Linzwi la Mulimu. Na ziba kuli Linzwi ne li ka ba swabisa kwa mafelelezo. Na ziba kuli kuka taha nako foo Linzwi hane Li ka ipaka, mi nebasike bazwela pili fahule.

³⁰⁴ Konakuli Ni zibile zeo, myaha ye kaufela, mwabona, yeo ki niti, kuli nako yeo yataha. Foo makazo yaka, haiba Mulimu aluma makazo ya luli, kuna ni cincecho kamita mwa mubelekelo kaufela. Haiba Mulimu uluma sika mwa keleke, mi mubelekelo wa kale haucinci, konakuli Na u lumezi mbango. Liñisa ha li ya

mwa lisupo ni ze komokisa, kuna ni Liñusa le li latelelanga. Mi Jesu hanaya inza folisa bakuli, mi kwataha Liñusa la Hae, “Na ni Ndate lunto Iliñwi Luli. Kina Yena.” Mwabona? Mwabona, neba—neba sa lumeli Zeo. Ne ba lumela mwa limakazo za Hae. Ali, “Haiba ha mu Ni lumeli, mulumele limakazo ze, kakuli lipaka Yoo ni li Yena.” Oh, mawi. Kanya! Kimañi yanali wa pili? Mushe! Mi ba mu likanyisa. Kono yetuna i sa siyezi yeswana, mwahala bunde ni bumaswe, habakoni kuamuhela Liñusa! Habakoni kuamuhela Liñusa le li si ka zwakana, kuzwa mwa Linzwi la Mulimu.

³⁰⁵ Ha ni na taba, Judasi naeza mifuta kaufela ya lisupo ni ze komokisa; kono, ha yo amuhela Moya o Kenile ka Lizazi la Pentekota, abonisa mibala ya hae. Yena diabolosi yani wakona kutaha hande ni kulikanyisa sika kaufela, konjo halitaha kwa Linzwi, kono hakoni kuamuhela Linzwi kakutala. Wakona ku litisa, mwendi kwa Linzwi li liliñwi sina Eva mwa na ezelize, diabolosi aeza cwalo ku Eva, kono hakoni ku li sila. Kakuli taba fela...taba yateni kaufela ki Mubili wa Kreste. Mwabona, Linzwi cwale. Mane nekusina.... Neba sakoni, habakoni kuamuhela Liñusa cwale, kamba neba Jambresi ni Janise kunga Liñusa la Mushe. Neba palezwi kueza cwalo. Misebezi ya bona ya malikanyiso ya zibahala, kakuli ne ba palelwa kulatelela Linzwi la Mulimu le li pakilwe ka mupolofita wa Hae ya tozizwe. Mwabona?

³⁰⁶ Neba palezwi kulatelela Isilaele kwande. Kiñi? Nebali limbutu za kopano, ya ma Egepita! Bapalelwa kulatelela Linzwi lani. Hane ba ka latelela, nevana ni kuzwa mwa Egepita. Nile, kaufela, neli yende kubona, mi ba palelwa kueza sika. Ni ha ne bakona kulikanyisa misebezi, ni kueza sa na eza Mushe, kono bukuba bwa bona bwa bonahala nako ya kufunduka ha i taha. Mi Mulimu a i sululela kubona, ka niti.

³⁰⁷ Kwaswana ni cwale! Bakona kueza malikanyiso a mifuta kaufela ni lika zeñwi, seo hakuna ze si eza kono sibonisa fela nto yelukile. Mi mwana kaufela ya lumela uziba kuli yeo kona Niti. Uh-huh. Fa mubona hande kusina zetibela, kanti, misebezi ya bukuba bwa bona bwa malikanyiso abona. Haiba mi—haiba misebezi ya hao ki Linzwi la niti ni le lipakilwe ka Lona, ka tumelo ya hao, ika bonahala ni...kakuba sepiso ya Mulimu, mwa buino bwa Lona bwa Linzwi leliñozwi.

³⁰⁸ Jesu naize, “Ha Ni sa ezi misebezi...” Muteeleze hande! “Ha Ni sa ezi misebezi...” Ni ekeze se Fateni. “Fo ki kuli, ha Ni sa ezi misebezi yeo Mañolo abulela kuli Ni eze, kipeto...ni eze zeo mwa lusika lwa Ka, ha Ni taha, sa na lukela kueza Mesia Ha taha. Haiba lika ze Ni eza, haiba Mulimu ha bonahalisi Linzwi la Na bulezi kuli liezahale, haiba bupilo bwa Ka ha bu bonisi Linzwi leo ona cwalo fela mo Li bulelezi kuli Li ka eza...” Musike mwa mbwinja se! Jesu wa bulel, “Mwa ziba sa lukela kueza Mesia. Kipeto, haiba Linzwi le li ñozwi leo, mi cwale ha Li bonahalisi sa

Lona ku Na, kipeto Hakina Yena.” Amen! “Mi lizazi le Ni bulela za lona lifosahalile, za na bulela Joani ka Na ki za buhata. Mi cwale haiba ha ki Na Mesia yani, haiba misebezi ya lukela kueza Mesia, Yena—Yena una ni kuba, ‘Mulena Mulimu wa mina uka zusa mupolofita yaswana ni na,’ mi ha mu si kaba ni mupolofita fa myaha ye mianda yemine, mi haiba misebezi ye Ni eza, yona ya sepisize Mulimu, haiba ha i bonahali mwa bupilo bwa Ka bwa cwale, kipeto ha ki Na Yena. Kono haiba Linzwi le li sejisizwe la lusika lo li bonahala ku Na, kipeto ki Na Yena mi ni sepioso itile ku mina.” Oh, mawi, haniboni mukwa usili o Li kona kubela patala kufita foo! “Haiba sepioso ha ki . . .” Oh!

³⁰⁹ “Mi cwale haiba sepioso ya lizazi lani ya bonahala mwa bulumiwa wa Ka,” kwa bulela Jesu, “kipeto Ki Na luli. Konakuli haiba ha mu lumeli yo Nili yena, kipeto mutualime misebezi ye sejisizwe mwa lizazi le.” Amen! “Mutalime misebezi ye sejisizwe. Haiba misebezi yeo i sa petahali, ufi ni ufi wa yona ku Na, kipeto musike mwa Ni lumela, kakuli Ni mi bulelezi mafosisa. Ha mu sa Ni lumeli, mutualime fela Bibele se i bulezi kuezahala mwa lizazi lee. Haiba ha li ezahali, kipeto ha li sika luka. Haiba lika za buhata zee haliyo fa, ni lika zeñwi ze kaufela, ni lika zelukela kunga sibaka; haiba haliyo fa, kipeto Na fossa. Kono haiba ku cwalo,” Jesu ali, “kipeto Kina Luli.” Amen! “Kina ya Na sejisizwe kutaha.”

Oh, mawi, misebezi yeswana yene sejisizwe, mwa lizazi la Hae, ne ipaka *Yena* kuba Mesia yani. Kana ha mu lumeli cwalo?

³¹⁰ Kihande, cwale, muzwale, haiba musebezi ya Luka, kauhanyo ya 17 ni timana ya 30, sepioso ya Jesu Kreste, kutaha kwa Hae fela haku sutelezi cwalo, kuli linzwi li ka kutela kwa Sodoma mi balumiwa ba ka lumiwa, mi lika lika ezahala ona cwalo ka swanelo; haiba zeo li sa ezahali, kipeto musike mwa ni lumela kuli Ni mi bulelezi Niti. Kono ha li ezahala, konakuli mulumele kuli Ki Yena, “Ka zazi leo Mwana mutu ha patululwa.” Amen! Mwana mutu uka patululwa mwa mubili wa nama, mina sicaba, kwa Keleke, ona cwalo fela mo ne kuinezi mwa mazazi a Sodoma, sikuwata se si bizizwe kuzwa mwahala bona, sesi liteni kwande, se si lumela sepioso ya Mulimu. Kanya!

³¹¹ Kipeto, misebezi ye eziwi ki Moya o Kenile kacenu, ka lipono ze sa palelwi, lisepiso ze sa palelwi, lisupo kaufela za buapositola zeli mwa Bibele, za Malaki 4, ni, oh, ni Sinulo 10:7, kaufela zeo lisweli za talelezwa; mi lipakiwa ka sayansi, ka nzila yeñwi kaufela. Mi haiba ha Ni si ka mi bulelezi Niti, lika ze lika ze halina kuezahala. Kono haiba Ni mi bulelezi Niti, lipaka kuli Ni mi bulelezi Niti. Yena u sali yaswana, maabani, kacenu, ni kuyakuile, mi ponahazo ya Moya wa Hae i biza Munyaliwa. Mutuhele tumelo yeo, sinulo iwele mwa pilu ya mina, kuli, “*Yee* ki yona hola.”

Cwale ha lu lapeleñi.

³¹² Mulimu Yomunde, Yana bonahalile mwa nama ya mutu yabizwa Jesu Kreste, ya zuhile kwa bafu, zazi la bulalu, kuya ka Mañolo, mi ukambamezi kwa Lihalimu, mi alumia balutiwa mwa lifasi kaufela, mi ali, “Lisupo ze li ka ba latelela ba balumela.”

³¹³ Mulimu, kwa keleke ya Mapentekota ba lizazi le, kukutisezwa kwa limpo; mi, Mulena, baana bani, mwendi babañwi babona bateni moo, babañwi babona basweli ba teeleza tepu mwa lifasi kaufela, ha ba lemuhe kuli ye ki pizo ya kubiza Munyaliwa, ha ki liñusa la Pentekota. Liñusa la Pentekota ne li lukela kukutiseza limpo mwa Keleke. Kono ye ki pizo ya kubizwa Munyaliwa, Liñusa leliñwi lene lina ni kutaha Šodoma i si ka cisiwa kale. Ha ba u twisise, Mulimu yomunde. Tumelo, Ni lumela Cwana, kakuli Si patuluzwi ka Moya wa Hao ni ka Linzwi la Mulimu mi li pakilwe ni kubonahaliswa kwa lifasi loote. Kaniti, Mulena, mwa bunyinyani, kamita likwata za Hao licwalo. Kono U ize, “Musike mwa saba, mutapi omunyinyani, ki tato yende ya Ndata mina kumifa Mubuso.”

³¹⁴ Kacwalo, Na lapela, Mulimu, kuli mutu atalime kwahule ni zibo ya hae, atalime kusili kuzwa ku za nahana kuli kona ze lukile, mi atalime mwa Mañolo. Mi ne ku bulezwi maabani busihu, sicaba mo si nahane sina mwa na ezelize mulena wa musali mwa mazazi a sinyeho ya Babilona, na ize, “Kuna ni muuna mwahala mina yabizwa ‘Daniele,’ yanali mwa mubuso wa ndata hao (Mi mushemi wa mupentekota, nali mwa mubuso wa hae.) mi yena ufeza kukakanya kaufela.”

³¹⁵ Mi cwale, Mulena, lumeleza Moya o Kenile onoli mwa mubuso waba pentekota, mubuso onoli wa Martin Luther, onoli wa John Wesley, ni—ni kutaha cwalo ku John Smith ni Alexander Campbell, ni kushetumuka cwalo mwa lusika. Yena ki Mufelisi, U felisanga minahano. Mi ni—ni sicaba mwa mazazi a Luther, muuna yani, “Ya lukile ulukela kupila ka tumelo.” Wa Methodist, A feza kukakanya kaufela, kuli, “Ba lukela—ba lukela kukeniswa.” Mi mwa mazazi a Pentekota, ne ba bulela ka malimi, ba bafa ponahazo ya Moya ka foliso ya Bumulimu ni zeñwi cwalo, Za felisa kukakanya kaufela mwa lipilu za mapentekota. Kono, O Mulimu, ba ikongakonga. Ba kutela hape kwa milelo ya mutu. Kabakaleo, cwale Munyaliwa ha bizwa sina Mo li sepiselize mwa Mañolo moo, kubala za Lona kusikaba kale lifasi, busihu ni busihu, mi lwa Li bona ka meto a luna. Mulimu, ha Li felile kukakanya kaufela mwa lipilu za sicaba. Mi ha ba sabele kapili ku Mwana ya kwaluhile, mi ba buzwe, kuli ba i siwe mwa sishete mi basike ba siyalela mwa lutaka kuli ba ciswe, kono ba be bafite mwa sishete busihu boo. Ka Libizo la Jesu Kreste. Amen.

Ni itumezi ka kuiseza ngana kwamina. Mi Mulimu atalimane ni lipilu za mina.

³¹⁶ Cwale, kana wa . . . Luna ni makadi a litapelo afilwe. Cwale, lukanga mwendi mizuzu ye mashumi amabeli cwale, mwa mukoloko wa tapelo. Lu bata kuyema mwa mukoloko kapili luli, ni kutaha kwa kataла mi lu lapele. Mi cwale, Ha ni zibi kuli ki makadi amakai afilwe. Mane Ha ni si ka buza Billy taba yekana. Ni bulezzi fela kuli, "Kana ufile . . . Zamaya u yo fa makadi amañwi a litapelo." Mi ki ha kuta ni kunga bomahen ni Na ni bona kaufela, fa nako nyana fela yefitile. Cwale, Ni—Ni . . . ezize . . .

³¹⁷ Kihande, kikuli ukalezi ka handeleti, kamba wani, ni wani kuisa fa handeleti, kamba cwani? [Muzwale Billy Paul uli, "Wani kuya fa tuu handeleti."—Mu.] Wani kuta fa handeleti. Ku lukile.

³¹⁸ Halubeni ni kadi ya tapelo yapili. Haiba una ni yona, nanula lizoho la hao kuli Ni bone. Haiba ha ukoni kunanula . . . Haiba ukona kuyema . . . haiba ha u koni, luka ku nanula. Kadi ya tapelo yapili, kapili cwale. Ki mañi yanani . . . sikamañi—sikamañi kuti? A, nombolo yapili. (Muni swalele.) A, nombolo . . . Kalibe yoo fa, una ni kadi yeo? Taha kwantu, wakona kutaha kalibe? A, nombolo yabubeli. Kana una ni yona, yomuñwi? Nanula lizoho la hao kapili. Kiyo fa, kalibe, taha. Ya bulalu. Una ni kadi? Una ni kadi nji? Mina kaufela hamuna makadi, hakuna neba kadi yeo? Huh? Ku lukile, ha mu lukeli kuba ni yona. Yabulalu, yabune, yabuketalizoho. A, yapili, yabubeli, yabulalu, yabune, yabuketalizoho. Halu boneñi, ki, yapili, yabubeli, yabulalu, yabune, yabuketalizoho. A . . . Ku lukile, fa kuna . . . Yabuketalizoho, yabusilezi, yabusupa, eiti, naini, lishumi. Ku lukile, mutahe fela cwalo, hamukale fela kuyema mwa mundandwe.

³¹⁹ Cwale, haiba haukoni kutaha, nyanganyisa lizoho sina cwana kuli ba ku nanule. Ni buzize batu mo, babasina makadi . . . Ha mu lukeli kuba ni ona mane, Ni mi buza fela. Cwale amutalime, mina—mina sicaba ba lianga mo, Ni sepa kuli nana ni kupakela, kakuli, yena, Ne ni mu bulelezi fela kutaha, "ka kupakela." Cwale, ha u lukeli kuba ni kadi, haiba una ni tumelo yeswana sina mo Ni lutezi. Mwabona, haiba i patuluzwi kuwena, ku lukile. Haiba ha i si ka patululwa, hakuna taba kamba ukona kuba mwa mikoloko ye twelufu ya litapelo, haina kutuha sesiñwi. Mwa ziba cwalo? Kana mwa lumela cwalo? Mwabona? Na kona kulapela, Ni eza kaufela ze Ni kona kueza, na kubama ka mañwele, ni ku mi beya mazoho, ku mi toza ka oli, nihakuli cwalo nemubata ona zeo, ni kulapela. Kufitela Mulimu, ka sinu . . . ka sishemo, apatulula mwa pilu ya hao, kuli, "Ku felile," kipeto ku petahalile. Mane ha u lukeli kuba neba mwa mukoloko kamba kai kaufela, li ezahalile kale mane.

³²⁰ Ku lukile, yabune . . . Yapili, yabubeli, yabulalu, yabune, yabuketalizoho, yabusilezi, yabusupa, eiti, naini, lishumi, elebene, twelufu, setini, foutini, fifitini. Ku lilukile, sikisitini, sebentini, eitini, naintini, twenti. Kana kuna ni ye Ni bizize yana

ni kadi kono upalelwa kunanuha? Nanula lizoho la hao, una ni kadi kono upalelwa kunanuha. Ku lukile.

. . . lumela feela,

Ni bona Anna Jeanne, yomunyinyani ya inzi, yabile aliza busihu kaufela, cwalo, ki nako luli mufumbo. Ni bata kuli mutu kaufela akuze mi ka likute, mo muzibela kaufela.

. . . lumela feela;

Cwale, makadi a litapelo wani kuya fa fiftini, Ni lumela neli cwalo.

. . . lumela feela,

Se bakala kutitihana hahulu kwanu, kacwalo halu—halu kaliseni fela. Mu bulela cwani?

. . . zakonahala . . .

³²¹ Yapili, yabubeli, yabulalu, yabune, yabuketalizoho, yabusilezi, yabusupa, yabueiti, naini, lishumi . . . Cwale, se muba babañata hahulu. Ki babañata kufita bo lu bizize. Ku lukile. Muyeme inge mukuzize, ona fo muinzi foo. Kusike kwaba ni yomukana yaka . . . muka . . . Mu ka lapelelwa, kono fela . . . Mwabona, mulibebole fela kufitela ba bisa nombolo ya mina. Mi, mwa ziba, haluna—haluna babañata hahulu baba yemi moo. Haiba Mulena una ni kueza sika, mu ka li patela meto a sicaba mi habana ku li bona, mwa bona. Mulimu ami fuyole.

Cwale ha lu lapeleleñi litaulo ze habanze ba itukisa.

³²² Mulimu Yomunde, ki ze litaulo zebeilwe fa ze zwelela kwa bakuli ni baba ziyelehire. Tumelo yelubile luambola ka yona yee, Mulena; Na eupula ha No bulezi, mwa Bibele, mwa Buka ya Juda, “Mulwanele katata tumelo yekile ya fiwa hañwi kwa balumeli.” Mi kuzwa fa mibili ya balumeli banga litaulo, isi kuli neli batu baba ipitezi, kono bakeñisa kuil neli sicaba se si lumela. Neli batu baba swana sina luna. Ne baize, “Elia” nali ya cwalo mi a “lapela katundamo kuli isike ya nela.” Mi, Mulimu, a lapela *kuli* sicaba sibake. No mu patululezi kuli aba lapelele, kulapela ka nzila ya kutaleleza Linzwi la Hao. Hakuna ku kakanya Wa bonisa mupolofita pono. Mi, Mulena, busihu cwana Ni lapelela sicaba se kuli si foliswe. Hakina Elia, yena ungezwi mwa Lihalimu, kono Bupilo bo ni Moya li sa pila ni cwale. Kacwalo lwa lapela, Mulimu yomunde, kuli U kuteke litapelo za sicaba sa Hao. Mi u kuteke kaufela luna cwale halu kabe lu lapelela litaulo zee, kuli ha li ka beiwa fa bakuli ba foliswe.

³²³ Lwa lemuha, Ndate, kuli lu—lu lusika lo lushwa lwa sicaba. Lu libile . . . lutalimana—lutalimana ni Kuyakuile. Lifasi se li sitani. Likebenga; basizana babanyinyani ba bekiva mwa liemba-emba ni ku tundaniswa. Sicaba, baana se ba uta milili yabona inge basali, basali inge baana, basweli fela kufutula ni

kubondolola. Lusika lwa shwa. Lifasi la shwa. Lik a kaufela za shwa. Keleke ya shwa.

³²⁴ O Mulimu, tisa Bupilo. Tisa Bupilo, O Mulimu, Bupilo bwa tumelo. Patulula kwa sicaba se, Mulena. Na nikona fela kulapela ni kubeya mazoho kubona. Kono Wena ki Wena yakona kuba folisa, mi Wena unosi fela ki wena yakona kuba folisa. Ni lapela kuli U pete cwalo, Ndate, ku ufi ni ufi. Lumeleza cwalo, ni mazoho aka fahalimwa bona, ni ku kupa ka pilu yaka kaufela; ka Libizo la Jesu Kreste, folisa sicaba se. Amen.

³²⁵ Cwale, kana maiki ye ya beleka nji, muzwale? Cwale mwa utwa koo hande? Kaufela mwa li utwa zeo? Amu nanule mazoho a mina. Ku lukile. Cwale, alimuñwi kamba yomuñwi, pilu yaka iile kwa sicaba se moo, baba inzi mo mwa—mwa sipula, bulobalo ni tumbeta . . . neba “si ka amuhela mane ni kadi ya tapelo.” Mwabona? Kono, talima, muzwale, bona, sicaba se sina ni makadi a litapelo, kono ha li talusi kuli ba ka foliswa. Kuna ni batu babaliteni kwande mwahala sicaba, mwendi, seo—seo—seo ha si talusi kuli ba—ba—ba ka foliswa. Seo—seo ha si buleli kuli—kuli bakafola kamba habana kufola. Zeo fela liitingile fa tumelo yabona ku Mulimu. Ki ba bakai babaziba kuli ki niti yeo? Ku felile, tumelo yabona fela ku Mulimu. Kihande, cwale, ki ba bakai babaziba kuli yeo ki niti? Hakuna taba kamba u wa bulapeli cwani, uyomunde kamba u yamaswe cwani, kwanda kuli sishemo sa Mulimu si kenyé lika zeo mwa pilu ya hao, hauna kufola. Cwale, ki ba bakai baba ziba kuli Mulimu u li ezine, u li zezize kale, limakazo zetuna, lisupo ni lisupo? Mi cwale, mutaha busihu boo, muyemi mwa mukoloko woo, isi kuli muketilwe kuyema mwa mukoloko wo ka Mulimu, zeo ha ki zonz; u filwe fela kadi ya tapelo, libile fela fa . . . [Hakuna manzwi fa tepu—Mu.]

³²⁶ Muzamao wa zona uswana fela sina mutomphei waka Muzwale Gerholtzer fa, yana kalile bulumiwa bwa hae myaha ya kale koo. [Hakuna manzwi fa tepu—Mu.] . . . ni tumelo ku Mulimu, inza lumela ku Mulimu, na lumela kuli Mulimu wa folisa bakuli katumelo. Mi mane ha li si ka cinca kale, kono Mulimu u ekelize mwa lizazi la mafelelezo le, limpo, limpo za Na sepisize. Mulimu uli ezize ka—. . . isiñi kakuli Nana ni kueza, kono kakuli Na sepisize cwalo. Mi haiba U sepisize, kona kuli Una ni ku li eza; kakuli Uka ni kubuluka Linzwi la Hae.

³²⁷ Mi U mi sepisize nto yeswana, ya kuli, “Haiba ukona kulumela, kuli li ka ezhala; haiba ha u lumeli, kipeto halina kuezahala.” Cwale, na Hani koni ku koni kulumela, neba wena unosi ku ikapeleza kulumela. Mulimu una ni kukufa zona. Ki mpo ya Mulimu, ya kulumela. Isiñi tumelo ya hao, tumelo ya Mulimu. Tumelo ya hao ya mwa toho fela yakona ku lumela hande fela, kono konji tumelo ya Mulimu iwele mwa pilu ya hao . . . Mwabona, tumelo ya hao ya mwa toho yakona kuli amuhela, kuezza cwalo. Ni kutundamena fela ku lumela ka pilu

ya hao kaufela kufitela Mulimu ali patulula ku wena. Mwabona? Zwelapili fela kulumela kufitela Mulimu ali patulula. Kono kifitela Ali patulula . . .

³²⁸ U li, "Muzwale Branham, uka bulela sikamañi foo he?"

³²⁹ "Eeni, sha!" Mulimu na lumile mupolofita ku Hezekia ku mubulelala kuli, "Hauna kuzuha fa mumbeta woo," KISONA SA BULELA MULENA. 'U ka shwela ona mwa mumbeta moo.' Ki cwalo kana?

³³⁰ Kono mupolofita yani asikuluha . . . kamba mulena yani asikuluhela kwa limota, ni kulila ka mioko yebutuku, ni kubulelala kuli, "Mulena, Ni tokwa myaha yeñwi hape ye lishumi kaye ketalizoho. Na Ku lapela, Mulena, kuli u ni utwe." Cwale, mulena neli muuna yabutokwa hahulu mwa lifasi, mwa litaba za na ha; kono mupolofita nali, mwa meto a Mulimu. Yani neli mulena wa Mulimu; kono nali mupolofita wa Mulimu. Kacwalo, Mulimu apatulula ku mupolofita kuli ange . . . abilise zeñwi . . . [Hakuna manzwi fa tepu—Mu.] Mwa ziba, mwa utwisisa?

³³¹ Cwale, kuli mu utwisise cwale, kakuli Ni kile na kutaza Liñolo leo kwanu, "Sina mo ne kuinezi mwa mazazi a Sodoma, kona mo ku ba bela hataha Mwana mutu." Mwa mazazi ao keleke ha i patululwa? Batili! "Mwa mazazi a patululwa Mwana mutu." *Kupatululwa* ki sikamañi? Ki kuzibahaliswa! Yeo ki niti njí? Kupatulula! Zazi la patululwa Mwana mutu, ikaba lizazi sina Sodomani Gomora. Kana ku cwalo?

³³² Cwale, mutualime se si ezahalile. Nebana ni balumiwa bababeli ba babutokwa, kwani mwa Sodoma ni Gomora, kakuli nekuna ni sikuwata sa Bakreste baba futumala feela kwani. Kana ku cwalo? Mi nebana ni balumiwa bababeli ba butokwa (cwale muteeleze katokomelo) kwani kwa Sodoma ni Gomora, bene bailo kutaza. Kono alimuñwi wa bona yena nayemi kwani ni sikuwata sa Abraham. Kana ku cwalo?

³³³ Cwale amatalime! Lwa likuba, mwa litaza za kale kaufela za keleke, kube fateni ni mulumiwa ya lumezwi kwa lifasi loote wa libizo lelifela ka h-a-m, kufita ni cwale: G-r-a-h-a-m, yeli litaku zesilezi, G-r-a-h-a-m. Kono libizo la Abraham ne li peletelwa cwana: A-b-r-a-h-a-m, litaku zesupa. Mwabona? Kacwalo keleke ya sinamungelele, kakuba taku ya mutu, silezi, kopano yaipangezi fela mutu, ibo iamuhezi mulumiwa wa yona. Babile ni Sankey, Moody, Finney, Knox, Calvin, ni babañwi cwalo, kono kwali kuba cube "h-a-m." Kana ki niti yeo? Kono bana ni lona, mi ki mulumiwa, ya lumilwe ki Mulimu, mi usweli kulikita mamota abona katata fela mwa konela, "Amu zwe mo! Mubake kamba mwa shwa!"

³³⁴ Kono muhupule, Muketwa, bulikani, bo buzibilwe kale kafoo, Abraham ni sikuwata sa hae, ba amuhela Mulimiwa, ni bona. Uh-huh. Mutualime sa Na ezize. A bafa sisupo sa kuli

nako neili bukaufi kuli mulilo uwe. Cwale, ki mulilo cwale o lu libelezi, mulilo wa atomic, buhali bwa Mulimu.

³³⁵ Cwale, Mulumiwa yani na ezize sesiñwi. Na ambozi za musali Yo na fulalezi mukokoto wa Hae, ni ku mubulelela musali—ni ku mubulelela musali kuli nasweli kakanya ha Na ambola, amu bulelela buino ni ze ne ka eza hala. Kana ku cwalo? Kana Na bulezi kuli Mwana mutu uka ipatulula ili Yena ka mukwa oswana mwa lizazi lani? Kihande, kana mulumela kuli ki Niti yeo?

Kihande, ki yo fa musali ya yemi, . . .

³³⁶ Mi mwa tamahano ye sa bonahaliya Keleke, Munyaliwa ku Kreste, Mulumiwa yani uteni mo cwale, ili yena Jesu Kreste, yaswana maabani, kacenu, ni kuyakuile.

³³⁷ Cwale, Yena ubulelanga fela ka bapolofita ba Hae. Bibele ibulezi ona cwalo! “Yena hakuna sa ezanga kono pili U si zibahalisa kwa bapolofita ba Hae,” Amosi 3:7. Yena kamita uezize ona cwalo. Yea ha cincangi mikwa ya Hae. Mwabona? Mi mupolofita ukona fela kubulela, haiba ki niti, za mu bulelela Mulimu. Kana ku cwalo? Yeo ki niti.

³³⁸ Cwale, kikuli mwa lumela kuli Wakona ku ni bulelela butata bwa musali yoo Ni si ka mu talimela kale? Mwa lumela cwalo? Kiñi, u katazwa ki kansa. Yeo ki niti. I inezi fa lizwele la hae. Una ni mwana mushimani, mwa munahano, ukatazwa ki butata bwa kutakana, buino bwa kuikalelwahahulu, ni matata amañwi. Yeo ki niti. Kikuli mwa lumela cwalo? Mi yeo ki niti, nji cwani? Kikuli ulumela kuli tumelo ta hao, ka kubulela cwalo, kele itiya, kuli u amuhezi, ukaba ni zona? Kipeto zamaya, mi Mulena Jesu uka ku folisa. Mwabona? Eehe. Mwabona? Kana wa lumela? Ka pilu ya hao kaufela?

³³⁹ Cwale, kana mwa lumela, kusina kutalima musali yoo, Mulena Jesu wakona kuni bulelela butata bwa hae? Ki ba bakai babalumela cwalo? Cwale, mwa ziba . . . mi Na mane nali kuba . . . Na . . . taba fela, Ni boni fela sikoci. Ha ni zibi, ne ni sa zibi kamba ki muuna kamba musali; kono uyemi fela fani. Ni bata kuli alumele. Kana wa lumela, kalibe? Faa, mukuli, kana wa lumela? Nanula lizoho la hae haiba wa lumela. Haiba u lumela ka pilu ya hao kaufela, wakona kuba ni mbututu yobata yoo ku Mulimu. Mwabona? Mwabona? Wa lumela? Una ni tumelo ku Mulimu? Cwale, zeo ha li folisi, zeo li zibahaza fela. Yeo ki misebezi ye zibahaza tumelo ya Kubateni kwa Mulimu, Linzwi la Hae leli bonahalile.

³⁴⁰ Musali yo ubata nto yetuna, niyena. Yoo ha ki mbututu, kono ulibelela Kolobezo ya Moya o Kenile. Ni ka ku bulelela sa kueza: Haiba uka tuhela fela makwai ao, Mulimu uka kufa Kolobezo ya Moya o Kenile. Zamaya, u lumele Cwalo, mwabona. Kana wa lumela? Kikuli una ni tumelo ku Mulimu?

³⁴¹ Muuna yo ya yemi fa, ki muuna yo Ni si ka bona kale fateni mwa bupilo bwaka. Ha ni muzibi, kono wa nyanda ni sesili mwa sifuba sa hae. Na wile kona ze mu tiselize cwalo, ha ki kale hahulu. Ha zweleli kwanu, uzwelela kwa Arkansas. Ki mukutazi. Ikele kwa hae, ukutaze Evangel. Mwabona? Mwabona? Nali kuba nibone muuna yoo fa sifateho.

³⁴² Kuna ni musali ya yemi moo, ha Ni muzibi musali wateni, nali kuba ni mubone fateni mwa bupilo bwaka. Mulimu wa mu ziba.

³⁴³ Haiba Uka patulula sesili butata bwa hae, kamba nto yeñwi ka zona, kikuli mu ka lumela njí? Kaufela mina? Wo ki musebezi fela o paka tumelo kuli Ni nani ku kutaza ze Ni mi bulelezi, busihu cwana. Ki zona za patuluzi Mulimu, mi ye kona misebezi ye I bonisa. Cwale, muna ni kuba ni tumelo kuli mufole.

³⁴⁴ Musali yo faa, Hani—Hani sepi kuli Na mu ziba. Eeni, Ha ni mu zibi kono Na ziba yo aziba, kakuli Ni muboni hana yemi fapila ka. U nyandiswa ki kuopa toho. Nji ha ki cwalo, kalibe? Kana ulumela kuli Mulimu uka ku folisa? Kezela Pearry Green. Yeo ki niti. Nali kuba ni mubone mwa bupilo bwaka. Yeo ki niti. Ni boni Pearry Green hana yemi fa, inza ni talimela, haaya *cwalo*. Kona ataha fela, mwabona. Kulukile. Ha ni zibi kwa inzi Pearry Green. Kikuli mwa lumela? Mu lumela kufita kai? Haiba mukona kulumela, lika kaufela za konahala. Haiba mu sa lumeli, hakuna zekona kuezahala.

³⁴⁵ Kalibe nyana wa milili ya limbi, yainzi fo usweli kuni talimela, ona faa cwana, kana u lumela Mulimu? Kana ulumela kuli Mulimu wakona ku ni patululela zosweli ku nahana? Una ni sitombo sa lizwele. U lumela Mulimu wakona ku ku zwisa sona? Eeni. Ba ni tumelo mi ulumele. Cwale, u sweli sikamañi?

³⁴⁶ Musali yana sweli mungundo wa sapalo sa Hae, Bibele iize... Mina mubata kunga Bibele, Na ize, “Ki Muprisita Yomutuna yakona kuswaliwa ka maikuto a makulano aluna.” Nji ha ku cwalo? Ki Yena Muprisita Yomutuna yani mi Uyemi ona moo; sicaba se sa Mu swalaka.

³⁴⁷ Kuna ni musali yomunyinyani, yomusisani, ya nanuzi lizoho la hae, uinezi kwanu. Nali kuba ni mubone fateni mwa bupilo bwaka, kono fela usweli Sika sesiñwi. Ki se mo siinezzi. U sweli kulapela ku Mulimu. Una ni butata mwa sifuba, hape una ni butata mwa mba. Mulimu uku folisize, haiba uka lumela Cwalo. Mu swanelia kulumela. “Lika kaufela za konahala ku ba balumela.”

³⁴⁸ Kuna ni muuna yainezi kwa mulaho koo, utalimezi neku lee (mwa lipula za bubeli cwalo, kutaha neku le), ukatazwa ki asima. Kikuli ulumela kuli Mulimu uka ku folisa, muñaka? Haiba u lumela Cwalo, Mulimu uka ku folisa. Wakona kuba ni zo kupile, haiba u lumela Cwalo.

³⁴⁹ Kuna ni musali yainzi faa, usweli wa nitalimel, ona faa, wa milili ya limbi. Haiba u lumela ka pilu ya hao kaufela... Kana u lumela Cwalo? Ku lukile, butata bwa sinya boo bu ka ku siya ona foo, haiba u lumela Cwalo.

³⁵⁰ U nahana sikamañi ka Seo, wena ya lobezi fa kambeta foo? U lumela kuli Mulimu wakona kuku folisa? Haiba Mulimu wakona ku ni bulelela butata bwa hao, kikuli uka Mu lumela? Haiba uka lumela, kansa yeo ika ku siya mi ukaba hande. Kiñi ha u sa nanuhi, ni kunga bulobalo bwa hao, ni kuya kwa ndu? Kana wa lumela? Kikuli kaufela mina muka lumela? Kihande, cwale, kucwani he kayona nako yee? Kikuli Mulimu ukenyize tumelo yeo mwa lipilu za mina? Mañi ni mañi mo, amu nanule mazoho. Haiba Mulimu ukenyize tumelo yeo mwa lipilu za mina, hamu beye mazoho amina ku yomuñwi ni yomuñwi, hamuli mwa mukoloko cwalo. Mubeye mazoho amina fa... Ona fa, kapili, Moya o Kenile ha u sweli kuzamaya, mubeye mazoho ku yomuñwi ni yomuñwi. Muuna yo unanuhile, usweli kumata-mata mwahala lipula, ulapelela babañwi.

³⁵¹ Ha lu yemeñi ni kufa Mulimu milumbeko, mañi ni mañi. Hakuna mukwa wa kuzwelapili hape. Mubonahaze Jesu Kreste yaswana maabani, kacenu, ni kuyakuile. Mina, seo matata amina ali sona, kaufela seo ali sona, haiba u Mu lumela, yema ona fa, ka yona nako ye cwale, ni kulumela.

³⁵² Mulimu yamata kaufela, Mulimu wa Abrahama, Mulimu wa Isaka, Mulimu wa Jakobo, luma mata a Hao ni kufolisa sikwata sa batu see ona fa cwale, ka Libizo la Jesu Kreste. Amen.

Kanya ibe ku Mulimu! Mulimu ami fuyole.



MISEBEZI KI TUMELO YE BONAHALISWA LOZ65-1126
(Works Is Faith Expressed)

Liñusa le ka Muzwale William Marrion Branham, neli kutilizwe lwa pili mwa Sikuwa la Bufaifi manzibwana, Njimwana 26, 1965, ili fa Life Tabernacle mwa Shreveport, Louisiana, U.S.A., iingilwe kuzuwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org